



10798

靜惕堂詩集卷第二

稿李曹

溶秋岳著

五言古一

雜感四首

好察表竒策常爲天下稱紫鳳失巢處獨蓄驚與鷹攫  
取不遺力殘物如丘陵林藪會將竭夜中常拊膺孤賤  
易得禍左右無良朋自非食祿人感憤亦未能  
郊居簡人迹貧者多苦心側聞吳公子任俠橫當今僮  
僕被文綺荆玉爲華簪別館羅名侶援古飾荒淫座客  
與援進上壽皆黃金一交誓肺腑膠漆不爲深開讌動  
經夕湯湯河漢沈不納貞士規終作丹槿陰

靜惕堂詩集卷第二

一

羈愁淹白日曠野無芳春頽垣長蒿藜斷食常一旬何  
爲貽我感居世多竒屯高旻旣難呼昏霾盈四鄰鑿敗  
陳苦辭將爲貴者嗔不如金銀闕結襪滄洲人  
四運遞相改隕條絲疾風少壯違達遇傷哉芳歲窮努  
力恒救貧愧爲百夫雄囊有王霸書徒步干三公古者  
旣我先濁醪聊自崇

過友人居

高棲遠塵役選曠成園林漠漠溪塘上迴矚延幽岑前  
丘旣透迤靜見漁樵音春芊霧豐草夕羃靄歸禽陂池  
凋夏植洞穴登秋陰華墅列丹卷物化無漓心聞徹道  
彌勝述簡神自欽澄雲開北戶皓月來孤琴遡游酌微

趣彷彿蘭蕙侵斯人不我違巖澤同披襟

西湖泛舟

幽人無近思出必狎岩岫一奏輕楫功得盡兩湖秀遙  
路抱杠橫復磴挺柯瘦稠紅野再春暄翠山如畫殊容  
搖指顧繁象奪先後嶺逼宵將危亭虛悅初邁目送豈  
神勞理浹使言茂迴視波勢繁環繞若苑囿萼葉時習  
澆水鳥乍鳴敲暑卽飈爽尊儉歲簫鼓陋所欣非仕宦  
得與游賞厚

浮石潭

山勢與雲俱朔風響松栢牽船上高灘邈焉坐孤客傍  
閱農戶喧仰笑冬宇白閩道向七盤越水下千尺吹沫  
似奔星迴渦能裂帛是石突呈空莫覩所生迹蛟涎謬  
外弮魚陣許中宅深涸準江籌磽确表山脈數日困跼  
危虛舟忘踟躕兼程漁變煩失侶懼歌劇汀勝久幽沈  
嘉賞絲我闕

田居二首

少賤樂野處簡迹恒衛生微名非我嗜選侶謀躬耕田  
疇幸豐稔河曲營柴荆條桑蔭鄰宇蠶月聞流鶯祀菊  
治朝膳藝植時復成高誦黃農篇斗酒嘗獨傾君子在  
上位奮翼揚令名我儕任公稅嘉澤無不盈

恭承令德餘世胄無纓冠秉業方弱齡詎解憂飢寒帶  
索時有會日午忘朝餐倚徙遠林下飛鳥相與看浮陽

散林表積英萃簷前偶希塵外轍永謝區中詮養性真  
在初涉物難更完不違怨高鶩且願琴書安獵心久自  
弭在昔歌考槃畢景非所知聊用澄其端

潘山人輓詩二首

山人諱逸善  
畫先祖老友

神皇撫駿圖九土日清豫軒冕多下交衣褐有洪譽潘  
生起菰蘆不受絲網侶翩翩吳越遊脫裘裘馬慮爲客  
爭倒屣時効冥鴻去本無婚嫁懷頗得老莊助一身耽  
藥裹衆作列鐘鐻嵇琴析至精顏巷稱殆庶詩工具宰  
疑道窮鬼物詛俄令元攏高遙覩青雲曙乃知同盡期  
遠者莫能恕

曾聞林壑流義以故交顯舊雨無間言白水有餘善厥

靜陽堂詩集卷第二

三

初滯海濱刻畫治先典烏雀杜門遙蕪蔚未克翦我祖  
招致之恭若承端冕抉膽相周旋角藝互深淺隱目類  
膏肓酒態著科跣注想丹碧圖手自劈魚鱗特立萬象  
中雲煙恣博選能事溢碑版淵賞別戈銳甫逐黃壚歡  
抱恨風流殄子策素車來執紼助淒泣存沒慎易心此  
道繇者鮮蕙帳何時焚後鶴不可展尊型隔世瞻俊躅  
後生踐天意篤斯人反覺長年舛

與俞右吉談藝

衡戶惜餘閒討覈重前典雕龍不厭誇披礫何辭淺陳  
風列國雄析體時流狷西京正始還赤幟應劉愆春華  
庶子繁秋實家丞舛藻躍類蒸雲會屬喻抽繭緬懷佐

者趨振傲期，勉采獵。劬菟苗，沈酣甚。流酒揚芬，蕙草靡吃。柱狂流轉，遙知吠影多。彌信升堂鮮，遠抱覆甌憂。譽豈連城顯，代哲炳琳琅。皇運奕軒冕，儒紳多麗胄。廊宇半英選，餘波及丘林。採擇佐鼎鉉，珠聲惜暗投。稗製仗朝翦，在野職斯文。切琢幸相展。

途中感述

長安有雙闕，遠在青雲端。薄役蒞中道，出門天已寒。東嶽照行李，僮僕授我餐。所畏光景促，不畏衣裳單。越陌度城郭，澗嶺凡百盤。結葦置冰上，渡馬亦不難。安得返王命，京國多竒觀。密苑燃華燈，佩服椒與蘭。布衣嘗坎壈，富貴尤悲酸。瑟聲坐間起，徒爲別鶴彈。

靜陽堂詩集卷第二

四

上馬跡山

東國饒原衍，旅處倦馳騫。山邑若星陳，高下適我步。修巒隱雲萼，紆阜泣珠露。雖乖幽智迹，不謬透迤趣。詣寂賤羣峙，賞曠起遐沂。貴已道可習，嗜物世難度。始訝行止煩，彌信簪冕誤。浹有萍梗虞，赴闕自茲路。農戶日就闢，雉網紛成覩。倚徒望流景，耽情緬循素。

途中雜詩三首

祿仕乘壯齒，躑躅不顧家。黃鵠自生翼，何能不天涯。所戚周道荒，飲餞無皇華。斧冰行作飲，薪彼丘中麻。懷鯁孰見采，出使日以遐。芙蓉擢霜幹，過時難揚葩。璫璵魯廟器，賤日蒙泥沙。

嚴風一何厲塞堦人事疲流光疾如駛歲晏不可追迢迢夜待旦僕御前授綬舉足視萬里含意將語誰芬芳雖入懷蕙草滋有時紈縠雖適體不中裘褐施浮名苟不永繁盛使我悲

弱冠挂朝籍三十奄將至恭承嘉命趨自楚薄淮泗困頓于泥塗獨處心恐墜濃霜日在天枯草蔓無地豈無晨風翼欲飛羅網蔽喻彼荼與蜜甘苦不同器人生各有懷安能適君意但令團扇存莫怨秋風棄交友慎厥終國論惡朋比相期薄刀錐慷慨服仁義

梁山

秋水無弱流峽束不能去浮空俄緩行輕舟類雲御境移資目擊詢名乃知處翠岫屹洪津曾獲天門譽地勢對稱雄江路平可據懷烟照秋浦蒙茸一朝曙

登西塞山

顛顛不可爲盤嬉安足務平衍志所違岸嶸顯前渡方關虎豹關暫迴湖海步伏穴間啼鼙枯槭鈔驚羽層阿闕唐構長級隨楚兩昔有山中人臨世不少顧漁服嘗刺船達譽巧自護我欲往從之熒熒懼狐兔勢棘利周才僻仄祇自錮在寂思驚奮勿謂招隱路

武昌城望漢陽樓閣

洪濤明壯顏佳域麗廣矚迷漫古來地記盛各相屬平渚電搖紅長郊雨零綠夾嶂類編雲曉甸如積玉素蘄

邈漢陰黃鵠佇城曲翠構網蜚綃丹甍俯靡菴森慮醞  
澄林息心赴清旭芝服被盈川蘭帶攬彌谷靈風颯可  
收賦跡紛俟續碑版雖及今英放未諧俗洲權一蕭條  
樓居感悲促縱橫閼形勢亢塏聊可欲游泛理難腐敏  
者應自勗

白雲閣讌集

清夜眷良會灑酒臨崇岡瑋麗若天人解帶盈我傍絲  
竹合衆伎雕盤割熊肪丹宮聳層構城闈敞高堂翹首  
白日徂俯窺鴻鴈翔一舉莽天末鑿此燈燭光紅葉耀  
長道荆江正湯湯爲樂重文藻飛爵酬命章洪名得壽  
考被德終徜徉

別趙卓午

靜陽堂詩集卷第二

六

河嶽儼英視芳日麗我身何能逐酒炙寂歷同衆人貞  
懷亮元素秉譽方待申丈夫各有事言念分手辰崇文  
耀殊域壯行飾車輪環佩不虛鳴皇風以清淳歷下表  
遺則雅奏縱橫陳大開幽汶色捷力搏鳳麟荆榛塞四  
隅結交識其真勉矣金石軀慨此平生親

與范求先劉濟甫諸子讌集

土壤沒瑕士雙江夾英鳴囊筆挾荒翳竒葩奮崧崢貞  
日諒中皎玉瑟諧淵聲元黃散羆虎鍾鎗禦陶甓海內  
有數公寂鷺心不平丰容歛可接並翼喟難成言宴肅  
葭席愛敬酬慙珩揚舲廣澤荷華夕蟠蛟鯨方勤肝膽

音四座珠斗明傾杯過時人抗步赫上京夙構羽獵奏  
沓使南山平但行保策勲離合追古情

黃州竹樓

江介有巨會楚服稱外屏境上列旄戟城側蒹葭青宮  
室關盛衰韻史存美型飛桷飽殘蠹頽簷走頑蜓巨挺  
剝翠節苔壓鸞枝零觴賦掃遺迹古月猶中庭安得良  
刺史妙解驅雷霆流徙返大厦樂事誠可經

武昌懷古

炎季奄龍鬪江服栖一雄建旂震洎數甲士習艤牖開  
基海上來元石騰霸風瀝酒助颺烈抗眎收烜功鳴鉦  
出漳鄴人彎濺豹弓連營瞰馮夷喬雲橫陣東豎儒亦  
登壇下策成火攻水陸旣殊勢委勝資吳蒙子布乃操  
筆頌禱聲鬱隆百戰寡長技邀擊恒恃聰天險闢疆表  
志奪於關中曹公不觀兵赤壁何繇崇

贈舅氏黃初

蓬藜有完質古道良可宗簪笏世方競非其心所從白  
水耀貞石華嶠孕九松入俗無佳儔蠹帙榮三冬一爲  
珪璋姿黃耆鳴琫琕靜腑裂冰藻振躡聞肅雍耕南表  
遺則朝市鮮猶龍沈昭理太璞漢魏慚妖容攬帶道何  
勝循牆執彌恭正氣不可埋高旻揚鼓鐘

贈錢樞拙

匹騎嘯燕闕蓮鰲濺文芒塵區沒雄駿帝京赫燦光長

瞳貫水碧豪會非耽狂珍此七尺軀鄙彼千金裝蘭苕  
鑿顏色元脣激秋商昂步九州咫尺伏櫪徒稱良朝作洛  
生咏夕狎邯鄲倡奮臂繫繁弱頌俠姬魚腸玉篆剖麟  
背虹繩覲天章聲霆震羣藐瓦缶何悲涼

贈湯友僧

三頌昔荒蕪布衣有巍績白眼過時人斗杓仰餘瀝結  
屋啓宏疆五岳未沈寂蒸志陋鵬營滌操保龍惕抱石  
攄古哀投劍矢今戚淵誼奕雲浮義色莽霆擊頽宕豈  
難容磊砢初可覲探篋炳元靈油素樹堅敵散髮事鴻  
濛悼世每長溺儵然金石謀勉矣効終迪

贈巢端明

靜易堂詩集卷第二

蘭蕙逞纖姿琬琰少嚴性國容蔽菰蘆鍊氣翼廷諍蹇  
節旣天崇豈不念明聖難狎鼯鼠羣騰擲譽標令整帶  
鎮豪靡危冠昱剛正手闕虞淵輝四表沐靈鏡妙撰軼  
先民忘歸誌餘勁誰持大雅趨而屑雕蟲競結幹緬休  
聞周道颯交映繁枝日夜零介石式其柄

望焦山

伊予去京邑乘傳趨江藩薄役限幽討勝歷事名言蹇  
衣肅海洙揚舲指漢源目簡簪組轍神霄山壑論層崖  
往彌澹青林披以繁壁陰迴夕藻水落融朝暎先民道  
可悅結宅杳自存秉已整遺教偃榮佚嘗倫區理効貞  
曠攷志難登援嬰祐履盛軌判迹猶飛鸞

除夕與陸叔度談藝有述

簡栖謝氛役乘化著微秉寂慮欣遠聞尚侶得嚴整嶽  
誕既同時奎纏在鄉井丹日絢外宣純璞潔中耿縉節  
誓所捐良規赫相憬皇區試驥德嘉園縱鵬騁分道觀  
開疆合轍期登嶺上興廣武歎下發江河省朽策難再  
陳滌聲末繇屏諸夏隋鞭華南風煽俄頃詭服禦珠璣  
建鼓求土梗噍散敗恒度逸唱虛傳郢誰專鐘簾蓋重  
失雕蟲幸三復清廟章魚鹿詎灰冷恥襲邯鄲趨望古  
効忠鯁雅翼奮雲蒸躡振急霆猛至耀式明矧文泉無  
短綆灼當萬人見蘊亦千齡永冥探蠲近遇翹立拊淳  
境皦迹駭羣昏虎視爾何炳羈櫪貴奔騰榛棘鄙荒靜

靜愴堂詩集卷第二

九

薄祿不受牽鳴助資弱穎蘇卿典屬國陳王奉朝請轉  
成年歲徂零露逐駒影努力衣德言淪沒動深警

懷黃平立

平立脩映姿寂務蓄洪勢涉淙蹕喧理結廬勝荒翳閉  
戶奮逸響寥古得縱睇彥圃挺英條傑流蕩元瀟山瀆  
遶竒容丹青絢餘藝逃哉斯人儔天章信橫世孤嶸耀  
雲秀層仞矚霞霽百尺洵可宗三絕杳無際儗儗王路  
滑喟喟蘭管替物往致難崇道悅交有濟下瞰蟲魚微  
仰慟金石敞憂樂每自任飛潛豈偏繫慎曷豪士軀延

頸一遙締

擬古

京邑富遊冶繞舍多名姝白璧耀高樓雕鞍夾路隅貴  
適公子懷讌劇隨所須春氣揚百景密坐羅笙竽玉盤  
臙文鯉美酒殷真珠少小逐時去棄捐塘上蒲古井有  
衰竭服義終不渝負筐出南陌觀者盈中衢駐馬行問  
訊使君亦何愚獨居拊流運媒氏徒嗟吁

阻風馬當山

漢瀋騁歸艫汰擊羨鴻翅沿洄指素辰凝沍肅王事馮  
夷戒前騶元陰搖我轡颺輪少停軌川源無時至長滋  
亘山隕鏡壑洞吳地陽林趨紫氛石華間青吹高飄若  
建瓴從流多所覘駭沫竦朝騫洪區鮮凌恣張帷龍妾  
騎鼓瑟鮫人避盤瀨賁星芒迴陂偃雲肆奔慮緬難親  
曠宙聊可視壯氣越河汾桂檝奄中置誰畱精衛軀夙  
赧元幹志札札蒹葭寬濇濇鯤鯨棄紛何集水嬉頗好  
燃犀智溲次此通津飄滯千秋忌揮刃截雌霓槎貫牽  
牛次鏡角不須雄通約有時異褰裳淒唳偏授節艱貞  
備在履悟盈虛盤安悲萬類

再用前韻贈陸叔度

王路挺潛光於爍非世秉擘追三五彥道缺方待整奕  
竦抗丹崖退挹耀元井揉情出衆夸擢志賴獨耿同風  
昔者欽變雅斯人憬藻火列雕組蒐苗大驅騁幽張雲  
夢濤桀峙控峒嶺舍譽薦終期寸陰實咨省攬遊旣庀  
材甄識仍樹屏麗則雖未渝狂且蝕少頃砥立京與洛

息歎於萍梗朝墟釣石圖被褐而稱郢行韜膏柱疑遂  
矢縹躑幸特表式丘園道辨塞清冷威鳳豈翮飛怒鯨  
猶骨鯁時哉易雄霸軒步氣逾猛十年求友聲朱紘直  
如綆將謀金璧堅妙託婀娜永野獲良耆型劬敵諸侯  
境初膺接轡豪卒媿聯珠炳慕蘭締寅緣攀嵇晰淵靜  
君繹他山言義取淬神穎哀哇日就衰羣望虛懷請爭  
傳梁父篇苦拭豐城影我我述作庭雨雪快交警

人日

洪林鬻陽序平甸殷芳植英蕤却月臺暄管猗蘭壁元  
冰漸解嚴光眈因勵職歡闐知歲豐耕鑿忘聖力秦笙  
弄玉調蜀罽文君織犀鑷碎餘寒梅靨助新飾粉荔狎

靜陽堂詩集卷第二

十一

織妃珠彈追弱息蟲穗九微火蝶慢七香軼時多賜第  
侯非無椒宮戚浮花命庖宰望塵列鼎食齟步彩綦盈  
華唾龍巾拭青驄玳瑁鞍班竿擢瑜羃城中夙有名陌  
上新相識疊袖五銖栽鏤劍雙環式邀人繡闥開贈客  
羅囊摘鄴園晚未還韋曲萋可陟蟄羽試絲竿遊魚戲  
清湜奔梭貞士傷耽鳩壯夫惕沙暖間鳴珂景斜方退  
直鴈邈縱懷羈草深彌翫寂

長安詠雪

旅居撫流節浩士無衰姿輝輝叙澄運森森滌滌長悲朱  
火閉蘭蘊瑤光施蕙帷修荔靡層薄華芹解滌池元冥  
俄去族太簇以賡時溫井涸陽澤若木下高枝雲毳冒

檐隙空絮晃簾絲主璧帝者瑞鷓鷯王人儀螭頭蔽青  
陛豹尾臥丹旗銅駝濛晏啓燭龍矯夜馳盛有五侯宅  
邀寵懷所私曲室纍錢穴密讎未云疲豐饌溢雕盤鶴  
蓋沓相隨妖姬陳酒罷上客稱壽遲鑊水創奇巧熾獸  
出妍思那知商山叟荷褐方採芝

同錢稚拙姜酒民舅氏黃初集叔度古香林分賦  
選辰富蘭契光風襲華欄遯學妙談理古獲蘊書籤旅  
好日以篤讌叙情無嫌酬唱擷春藻展適辭霜嚴紛綸  
兩方散燦赫星在占僕本流浪士甕牖徒簷簷拊遇遠  
將邁敦故懷所瞻脂轄緬嶽麓舉檝浮漢潛疲神鄧林  
杖冥迹鼎水顛相期各翻飛京邑何久淹

飲徐石松長史西爽閣限韻三首

弱浦餘珠轂危梁隱文縷冉冉靡元蒼浩浩濕青泥藻  
瓊承虹構鱗澀俯雲題申心處士洲暱聽仙人蹊抗潔  
道彌勝疏逸致方齊藩邑理微撰江薄乘高躋命侶及  
藐躬挂席日已西芳釀導幽叙修晷超元倪蘊涉九秋  
實目泛三冬藁惠子知可悅山公興不迷揮絃邈鴻末

緩帶過雞栖分愛恃親申庶用布萋萋

右謝康樂體

湖墅始命駕素友狎新賞魚鳥信所如遊涉吾道廣亭  
亭山宇間開榛適虛敞孟冬北風厲扶疎寓林莽觀物  
浩遠引成趣時擊榜散秩同恣傲華簪善餘爽大雅吁  
以淪鴻飛去高網梁苑且丘墟投筆事塵鞅流覽古聞

人罷酌嘗獨往

右陶靖節體

灑川西北流長坻帶飛閣僕夫息路隅芝蓋以前却時  
服蔭華棟凌厲溢城郭嘉宴值政暇日吉弄清爵飲酒  
不云疲雕盤進羽臙繁絃饒吳氣朱火爛花萼儂人重  
致辭游覽意不薄徘徊此世間微躬不得託營分乃固  
窮戚往在行樂執手復何期勉赴貞士諾

右建安體

三月三日路河作

翔零曷壯猷靈涌喻貞託祇役務邁征川塗邈將鑿存  
羽被中坻文命藻潛壑皇軌戾雍和隅裔軫丹墀漂塵  
暝行成流澌間鳴柝單旅發婁而樂事何繇博坦慮疎  
屯遭伏跡愧纓絡興言藉草辰誰嗣握蘭作分衢臨白

靜思堂詩集卷第三

十三

蘋緣崖富紅藥長瀨轆芳蒼洪飈厲華薄瘠土讓紛敷  
廣野薦蕭索薰被沿令貽紉帶助相諶泥歡秉燭游排  
憂斗酒酌研寂境彌真侶曠道方約持參絕仞巍聊附  
凌波躍垂綸出素鮪拊奏下雙鶴遠與化景期斯理易  
昭灼

畱別伍鐵山二首

今日成契闊時命難獨拘壯翼慕萬里弱志羈一隅洪  
流蕩危檝仕宦非良圖熠熠丘中蘭運去摧爲芻竒服  
激衆指珠徙澤自枯敦交貴不惑道合形則殊整轡適  
荆土眷子美皇都禮庭縱嘉步玉色截肪腴一旦捨之  
去榛莽羅郊區仰覩繁星列始覺長夜徂悲哽來無端

安用相歌呼人生有期誓壽此金石軀

四序凜紛屬邁此春景闌谷鳥徘徊鳴舉足無所懼虛  
名雖雜沓坐傷知已難堅璞豈在琢珠絃嘗不彈翰音  
起南柱自致青雲端逢下車揖遺我雙琅玕顧以爇  
火爛盛用琉璃盤義取相攬結越衆情獨完節士重一  
飯不惜千金殘羊腸九折坂往復摧心肝

靜惕堂詩集卷第二

靜惕堂詩集卷第三

樵李曹 溶秋岳著

五言古二

王子照千數來問詩無以益之也賦一章示勉

朔土晞靜軌探蘊無常詮義服有餘約隱德慙外宣時  
詖美難御形充室猶懸細筆事幽討素詠盈丘園顧余  
頑鄙質謬推達者言冲情盪遙惑努節排宿誓華鏞驗  
隆響火繡揚新妍本非諧世人請從取介篇鸞姿藹飄  
忽駿格輕羈牽吐音升四表守履在初年遠紹烏衣蹟  
默契黃墟賢微鑿狹隅幅超論齊憂懼文流雖衆家理  
至歸一源振秀方自今豁蒙豈徒然力運貴終始勿謂

靜惕堂詩集卷第三

一

險與艱

送朱遂初都諫南還五首

高城起西北列觀羅中天良時二三子絲竹唱微言榮  
華以代謝故物與我遷邊風振庭樹潢潦何連縣低頭  
還出門駑馬策不前中夜念鄉井欲別須臾間行者懷  
苦辛居者悲棄捐勿復耀令名盛德當自全

結文爲兄弟四載不相離出入承明闈游戲多所宜子  
逝我獨畱惆悵中自疑淫雨斷車轍征夫一何疲黃鶴  
摩蒼天不顧澤與陂嗟哉流俗人且網將安施

涼風應時至白日不少畱君今在盛年胡爲懷百憂金  
石良易敝鳳德孰見收執手惠前好送子臨河洲芙蓉

發江彩適志彼林丘懽樂苟可期人壽當千秋  
車馬紛路隅我友戒行役短髮未盈頭欲往中自惜他  
鄉日云遠故國坐相迫城闕大荆杞人民百遺一生無  
管葛心懽悴復何益飲酒但自娛時命隨所適  
失意各相親綢繆在中路烈士貴揚名徒爲生所悞子  
今雖得歸顏色已非故千里獨徘徊蕩蕩無安步聚散  
既有時日月鮮能度揮淚重致辭冀子一返顧

送熊雪堂少宰四首

芳時難再得好會不可常媻服被衆指誰能忘感傷蒲  
葦茂中澤鳳鳥鳴高崗志趣各有殊獨立恒傍徨大義  
美潛處榮利非所望靈均有奇節皎若日月光珍彼蘭

蕙花無爲待清霜

靜惕堂詩集卷第三

二

泥潦滿周道車輪經其間念子不能別贈子以鄙言出  
門卽乖逸何況楚與燕水行多伏域陸有蛇虎蟠慷慨  
一生事躑躅情自憐手執濁酒卮上視蒼浪天暫去返  
故鄉犁彼洪都田否泰有常理勿使肥遯堅

同心不在舊拔劍不在讐知人良獨難勢去薰爲猶仗  
義行自決安待醴酒收浩歌發天壤擊節盈中流漢廣  
有遺言可望不可求鴻飛旣南邁天宇空悠悠禦冬以  
絺服驚馬而駕輶去轍日以遙感慨何時休

秋正潤野草鳧鴈羣相呼得歸萬事足多譽爲禍樞一  
身且莫保違惜梁棟徂嚴裝誠司僕曾不少須臾零露

未及晨客子已在途平交易中缺憂患知難渝追送隔  
城闈何以明區區百里當相憶千里當寄書

閒居雜詩三首

貞栝多枯條鳴鵠有墜翮孰與世者趨何能無損益耽  
空雖邇年崇有自疇昔道習眇未深二物苦相格事因  
酌對煩我爲名教役偶值清景閒放意隨所適肅序起  
微霜層城泛遙碧螻蛄啼室隅哀情滿元席前月得鄉  
音况如乍歸客元化樂推遷流歎從此釋

疲病厭人事攬衣出中除秋露少滋澤蔓草亦競舒淒  
蟬息高蔭時雨興四隅拊物動有托卽已懽無餘言念  
涼風發去去不我俱仰慙遺世彥千載觀令模素琴以  
忘憂陶觴恒不虛因君好夸飾勞擾隨見驅君今苟自  
愛曷不還田廬

禽生慕洪岳屈子悲素河我躬撫自傷矢志貴無他欲  
遠神自諧境豁興還多崖月流永夕澗戶鳴幽柯百年  
雖邈闊奈此逝者何丘山亘天壤賢達方浩歌泥蟠非  
肯榮束組同去波華酌聚朋舊散髮盪沈疴惆悵秋夜  
長微托薦與蘿貧困不足言忠信相切磋

初秋同李舒章作

粵予蒞文役闔戶恒自完寂性本無營臨風惜微翰朝  
爲貧士詠暮接良友言清樽幸屢盈朱絃當一彈引義  
托貞石千載閱竒端不經時物改誰知馴俗難各爲還

山謔然諾誓弗寒

中林堂讌集以明月之夜爲韻同芝麓作四首

崎路鮮安步驚颺無定聲一駉力田志荏苒難自明雅  
歷往者趣詎惑來者情潛顯本齊致涉物終害成况值  
時晷闌元鴈鳴中庭言念別鄉邑翩若塘上萍性不好  
文飾處悴多休名歎息良何爲得酒旋共傾

高崗期振衣短景怨晞髮青蘋吹澹煙碧宇進佳月徘徊  
塵坱途陶汰焉能闕幽人夕自來瓊草寒未歇一酌  
浩真想油然孤干謁懷光曜漢芝揮歌剪商蕨耽道與  
邀榮二者孰前蹶林藪誠易深爵里懼難沒

履華旣有失處戚寧求知躡履南城闔與集此一時蕭

普陽堂詩集卷第三

四

管振悲緒酒炙眷所私捨彼五六子顏色還向誰空墟  
起昏霧廢井鳴惡鴟大運方見乖孤往終安之抱壁在  
內朗濯流甘近嗤馳慕東臯人素約爲我施

送目蘊千端躑躅古城下循汴出微徑牽蔓蔭虛榭長  
者美忘年列俎得清夜互爲高世音謠詠更相藉初喟  
歲月徂繼休蘭蒞謝成毀勢恒然力運莫能借辨窮陸  
生論操動龐公咤俛逐浮雲居曷由見遺化

送劉開西還九江

未習苦多岐大道本虛曠妙士滙通源妄者畫名象真  
長學佛深所得轉冲放囊攜匡廬峰剝琢特相餉敗葉  
響空園石泉流几上對酌見遙岑烟鱗起層浪冷然塵

外言倡荅互無誑卽物喻貞懷居貧彌用壯標舉憂元  
柯撫衷誠去亢澄霄憺孟冬率爾作懽暢欲別不可畱  
適興滿筇杖旦出郭西路溢口森在望行跡窅難尋寒  
雲塞青嶂

題孫二如納言詩集

風雅司納言文運喜勿替仄塵境屢遷日月景常麗仰  
逢崔蔡儔操管獲下濟獎汲務升堂相畜等昆弟析辨  
極音儀寵辱混時歲披我有韻書汗漫了無際始知菽  
粟真坐見珠璧敞臨風策古心裁雲華今製陸沈冠蓋  
塲割俗自堅普嚴冬擁濁醪四牖遠扶荔寧唯擲地聲  
長嘯出華喬夕館擊青桐澄波採朱蕙朗鑿物攸瞻藻  
拔賞靡滯意動薄崇規篇終集洪勢不朽良素期莫謂  
祇餘藝馬廐滿天門強國富瓊屬鄒魯已橫流箕頽失  
先計進身慚引弓俛首惡椎髻遨遊子墨林升降視其  
世三復碩果言焉能免揮涕

白若水太史惠刻二種答贈

白公風詠長於格取澄澹一窮鐘呂源救弊削浮濫譬  
若造太行康莊俯堪瞰若水和同詣不存寂歷手自探羸  
馬出金坡膏火丹黃勘松巢冷復扃山髮遠彌紺陶韋  
業再興斟酌鮮餘憾諸家籬壁存此道兵戈暗愚也鍛  
羽人服膺緩歸纜敝賦索相從執爨敢云暫

湯生狷者流屏跡在東郭結嗜篇詠間刻苦仍間作妻  
子寒未衣負戴有餘樂儒冠良帶人弗令果岩壑應舉  
累中跌近頗事耕鑿薄田僅盈疇養親返無怍往從湘  
東行曳履共江閣夜分勤倡歎指撻意不惡初攻遊覽  
詞用物繼沈博觀成當假年造作孰能度束縛朽壤中  
宿草變今昨君有知己言邱孤敢辭諾故宅覩飛灰詩  
卷多散落云移田里居黃口伴狐貉一歌貧交行獨歸  
意蕭索

采菊篇

煙臯啓朝秀澤圃揚清懽眷茲九日卉振我三秋翰人  
事紛可輟衡居列將寒陽崖涌素瀨灤露輝朱巒心移  
徵君詠目閱湘臣餐芳節媚遙賞繁植無幽暮景絕  
塵想殘酌頽高冠伐性情未適郡僻游難寬結籬矢初  
服告歸辭具官榮枯理相倚獨立成憂端

輓朱子莊二首

長夜慘不舒慟我同鄉人靈帳闕中堂玉顏難再晨昔  
爲簪纓胄今爲一丘塵賢聖有盡期少壯多悲辛筮仕  
出巖邑抱憤鬱未申戢身槁壤內萬事勿復陳有子僅  
垂髫世業行復振醴酒泛元席哀挽盈四鄰大運詎終  
否喪此經國賓

總角荷相逢慊慊踰一紀王室美翔翔員闕當天起並  
轡越承明直入邯鄲市挾瑟燕姬牀容貌若桃李來門

殊大難子去我中圯膏沐事新粧絃曲亂不理覆水裂  
羅襦還復返鄉里與子執前權綢繆古莫比惜哉青春  
姿獨處重帷裏服藥媚紅顏終爲悅已死丹鳳逝雲間  
良壁長已矣蒿里有餘情誰能遽忘此

發吳郡

耽風繹晤言玩占崇履坦頗達仕止情竊慨名實短輟  
輒解山宇沿流適溪館秉志好無營朝市用終緩行跡  
曠難紀征服戒初澣枌檟洽周親鄉俗賤疎誕沙沚萃  
貞翮雲木秀孤幹迴岫元援悲中陵素苔滿霏月不移  
席悽節有時暖祛累途易循抽文緒交纘養生悟莊寓  
狗利慎尼罕涉目雖多娛千慮在方瘠

夜濟語溪

靜賞堂詩集卷第三

七

越舸湖歸浪衆壑奔澄川弄歌未及晚皓魄俄已懸氣  
燠褫紈帶候至鳴商絃起坐理遐矚列雉一作岫藹人烟枯  
桑變農月遺穗多平田密霧阻遊鷗大澤延栖鳶卷組  
方過里學漁還扣舷深居召竒疢在道無長年二端攬  
情慮保德中自捐

將抵武林郡達塘栖

水宿近盈旬洪輿寡窮歷轍同長卿倦業甚子雲寂短  
晷滯兼程芳境盪餘感落帆倚前洲垂袂對絕壁采芷  
富江調穫稻成歲績仄岸灼層霞枉渚布繁礫川梁迷  
去輪時物媚來艦黃鮪逝羣遊朱菓粲分摘廣嶼進微

陰衝流資靜激役從閒放超義以仁智析岩嬉輕豹變  
淵沈守龍惕吳趨日已遙會吟行復適懷新及中坻淹  
栖慚接浙

正月十七夜小飲三首

昊天布春令膏澤當調均流曦辟凋景翔烏薄重闈方  
舟屈吳邑忽復膺茲辰昔爲柱下史今爲丘中民一身  
數遭躓曷能拯世屯狐白未充體疾力聊禦貧攬袂出  
門望不見故與親棘實墜寒露居者來負薪衝河渡驕  
馬斷絕無通津返步顧自言含生復爲人采秫佐私釀  
冬菹慚芳珍蟾月有時缺條風揚清塵知足荷明誠無  
貽賢達嗔

吳城逶迤長考宅當中間凌波躍芳鮪前林鬱參天達  
夫競干進曲士誠獨閒遙取故京俗華燈泛餘鮮百枝  
奪衆星燎以朱火烟狎坐昆與弟感舊多悲言命酒會  
未畢客請彈哀絃初爲別離操繼用名都篇側耳聽終  
曲忠信誰能憐跼踏虞網密愁抱不可宣

伏身當曠野禮節難爲拘帶索得餘燠永辭驄馬驅炎  
勢寧可悅避凶多世譽賢傑且中覆何以安賤軀今日  
不竟懽萬載同斯須熙陽散墟井返照盈桑樞豐儉有  
常度族訓非可踰東鄰富金玉饗客徵笙竿蘭燄粲銅  
盤旨味百不虛我雖際窮約適已用有餘仰怡元髮親  
稚子嬌未愚觸義陳新謠勸彼在世娛

自吳進舟

涇潦解春卉溪路縱復橫累載習鞿轂越浪恒坦驚怡  
性在安宅舟車乖養生百里異封壤親舊使我縈驛國  
半湖曲蠶月無人耕栖栖不遑息隱忍昧朝榮祛禍旣  
不先揣俗終何成莫追輕出恨謝彼桑榆名上慚鹿門  
侶適處有餘情

得齊价人近集題贈三首

秋月凝寒輝照我薜荔垣食貧聊自強外槁中無援執  
友同城居側耳來好言時警雖屢及人綱誼還敦不緇  
秉文節昂德爲弟昆三復南遊篇風義烈以繁勁氣貫  
金石莫測中心存神龍合變化進業當更論

靜惕堂詩集卷第三

九

雅道蕩然失逝水勿復還徒云善排俗孤耿良甚難有  
美出江介奮義擇所安方持盈尺簡興藻薄飛翰匹夫  
尚秉志何況青雲端重熙耀吳澤俯鑿濁水瀾經筭發  
高唱聽者蔑不懽達哉模楷譽名教誰能干

四序揚淒風戚戚東南州吳會滿輕楫珍木夾芳丘娛  
意及今茲曷用耽長憂誓當共君飲設俎烹庶羞山岑  
遶前郭顧步成閒遊興往理如答欲默不得休曠覽古  
賢哲炫質滋愆尤自非一心人良璧無易投

惠山泉上作

水投招曠晷凌緬發孤嘯關路未及畢赫日俄已照青  
茗背虛谷黃葛指中嶠所思江臯人卓絕采芟調永謝

貢生冠樂附子陵釣巖秀分屢掇邑志圖衆妙陟險力  
固任漱冷趣彌劬圓潭牽石髮潛魚激空峭命酌迴隱  
心痼疾良可療松磴倚乳次銅池闕幽曜不辭入寺遐  
復此亭上眺神期方獨存羽容豈相笑披砂伏瀑繁倚  
策栖蟬蚪流濕反林端在理莫能料往哲垂嘉稱庶免  
濯足詒

入鄒氏廢園

山阿有名構絕磻當重門文棟跨虹壑杏宇迴朝暾疊  
石納行流鑿館矚荒原陽木蔓春榮藂篠感秋繁水鳥  
應鳴節林植變淒暄經始本上智綸釣跡具存適我貴  
孤邁超物靜忘言數愜人外賞已厭區中援時駁駭灰  
滅年往怵電奔遺礮蔓陰蟲舊寢寢翔遊鷗修復鮮清景  
際此塵事昏足知流連移更與達者論

武林遇何芝函侍御值其舉子彌月因述往事以  
志悲喜

晨興理長征鼓櫂起文鵠兩峰秋未窮霜雨洗煩縲歛

逢流寓人佳氣滿中谷樂此甘棠鄉將老息歸躅

芝函曾  
巡按我

浙土竈映疎煙詩書冷僮僕相視涕沾膺俯愧身更辱

歷數同朝年蘿蔓倚珠玉澆關賊滔天時宰正貪黷獨

修來衆指角黨慎所觸睚眦怨必伸橫發等鋒毒楚風

彌悍急賢豪懼深酷張弓黠昧間恩斷不可續愚實忝

臺臣旁睨恨拘束論救乏通才百口義安贖以茲常惻

側微薄蒙見錄曠識洞纖毫道轉容褊曲伏謁慰離顏  
話舊意尤篤憐人先自戕覆巢連戚屬余歸皮骨存公  
鬢方再綠堦樹挺芳枝英器喻騏驎邀賓設湯餅妙舞  
炳明燭灑掃湖上軒夕霞開麗囿田園雖就蕪得酒一  
生足坦慮杜羣機福善良可曷哲嗣冀揚徽講德勵衰  
俗

題實公螺頂菴

攝情多閱歲闔戶事空典畢謝貢生彈彌嗜嵇公褊遇  
乏高簡儔蓬志曷繇展吳川信澄濫諸峰足遊衍聞道  
美迂尋采勝略徒跣蘭渙涉方舟山廬闕深蘚樂我形  
旣辭取物興奚淺迎曛蹇石英就濕蔽藤絹紈紈陽宇

暖汨汨伏流轉削壁穴飛鼉盤磴象潛蛻復洞媚松黃  
隻履赴雲岵棟豈凡匠琢境因化人顯息塵寧有待憫  
俗故餘泣叩關投末契觀海納微辨三塗致莫銓初地  
矩仍踐屯象播城邑貞吉在林嶽揲微壯趾凶風叶考  
槃善介距肇營并崩析浹漢沔念休寡安辰避攘得良  
遣大法苟容愚入室冀中勉

送施仲芳守欽州二首

念故訪柴門寂立正清曉暫駐遠行楫得覲慧人表寒  
江生舊萍長路淡飛鳥懷仁芟自舒秉毅翮應矯畛域  
限炎荒乖恨苦未了祇事迫前征務德願中皎出彼巾  
箱儲足以靜羣擾曷子振古輝同閒誼不小

三石題天涯率化賴幽士海郡隔中土專利得行止因  
看寶玉貧極礪貪泉恥珠浦韞深暉隴草茂荒址息兵  
已屢申需澤自茲始治亂各有期在遇測微旨趨程歲  
雖邁省俗義猶邇民養均上才奚復問朝市

題陳氏半圃

山郡申南輿同旅信嘉友內坦無卑腸命酌必盈岳勞  
我以為樂上德義非有昨來動天隱形彌戶牖積石  
背陰坳潛溪息高柳茗茗幽壑心魚鹿得其耦援琴意  
已存臨鴻更揮手城中多美宅孰為昔人守曷若營一  
壑攬帶見禾畝郎官既辭簪舉俗遂蒙垢

文公過我寓舍因贈

靜惕堂詩集卷第三

十三

水門環石洲松路得微霽飢禽時不喧獨客影方細忽  
逢禪遁侶邀我雲上契密論枉相勗幽懷莫能替土戶  
白仍虛煙枝綠無繫陟勝許盤旋溯源媿迢遞此生亦  
何為願老楓柎際時親磬席吟足解塵事泥淨甃映水  
雪德交榮萼棟一覲澹深哀全真薄多藝徐侯神旨生  
寧憚齒髮傲還居越谿林清與會當繼

申青門招价人聖野如須飲雒如堂有作予以還  
里不及赴追和一首

上德樂幽處塵世寡所務散心陵澤間均謝弋人慕繹  
雅首和平筮乾玩貞固伊維苦寒月適與賞衷遇繁圃  
秀枯萸潛池狎文鷺折俎列賓階豈以弭兵故息氛多

佚畧期懽失終怖殊邦聯勝鄰秉藝行嘉祚浮湛迹有  
寄酬獻禮無忤屢燃庭下薪欲落雲中兔何虞樗陋姿  
盛沐長者顧伏居窮海涸輪轡不得具後時淹水陸追  
遊昧煙霧賴聞遺韻清願贖授簡暮向日亮微躬臨渚  
滌澄度蓬枝當挺生流性必東赴回瞻鄉社餘宿莽在  
修路觸景怨年移近俗恐名仆古道密交持至巧鮮自  
悟親故嗣瑤音冀足慰形寓

靜惕堂詩集卷第三

靜惕堂詩集卷第四

樵李曹 溶秋岳著

五言古三

以事北征畱別同社諸子五首

前有百壺酒珍錯爛生光解我氎衣襦重上君子堂各  
申臨別贈哀歌出中腸感之再三歎泣涕紛成行素節  
恨乖邈不爲途路長貧居知歲短遠適知天涼河水深  
瀾瀾欲往川無梁盛顏冒緇塵慘悴乃其常出門逢他  
人孰肯心相傷古來賢與達終日思故鄉

在下不可處鳳德良好飛疾風摧勁翮何況三重衣違  
我同心友鄙固安得稀開匣獨徘徊琴瑟無音徽圓月  
起中夕疑君入羅幃不用持作思客行自當歸

靜惕堂詩集卷第四

一

乘舟臨大江顧望吳閭城惟見親與舊掩袂送我行行  
者有徒侶隻身獨零丁嚴霜被長隰駑馬蕭蕭鳴躑躅  
而不前安知將遠征去日蟪蛄歇來日蟾兔盈時節會  
流易所懼無德聲願作凌霜枝卞萋終復榮

芄芄岡上草下有田中麥人壽無百千間以遠于役流  
光難久居在世孰非客析薪營朝餐驅馬越遙陌但恨  
鄉井時妻苦不作劇答詩多悲聲何足喻金石

隆冬無茂草行路無少年欲發還暫畱請言心所然生  
存多禍患百憤中見煎步入城東西宮闕推爲田駢驥  
困重樞芻粟俱不完亮乏匡世略豈得援蒼天勸君且

適志華屋如神仙羅綺備時服玉手揮長絃一奏同聲  
曲客子私自憐

靈璧縣路傍古石

首塗振悽序鳴轍紆楚方目暝氛垢積慮怵岩險長織  
邑介頽趾頽岫截淮疆山秀萃輪困地德迴蔚蒼匝野  
極元眇沉沙闕幽光雖亞磬材貢殊軼柱礎藏穴嵌想  
神運漱潤資澗芳宅勝挺蘭宇蘊靈被蘿裳義當几席  
珍越居農牧塲時至土壤奮物賤琳珪傷俯軾促流暑  
改道悲殊鄉夙割纓組累反服徒御裝非此瑩心曲旅  
憤誰與匡

彰德道中遇袁令昭

靜惕堂詩集卷第四

二

步出邯鄲城道廣容軒車忽逢同鄉人下馬牽我裾問  
我何所行顏色何焦枯淒雲西北起猛虎臨路衢暫辭  
堂上親時艱不遑居且欲守情志敢復圖歡娛欽子善  
自保列綬多數腴五十郡太守良勝殿中趨雙駒夾朱  
轂直往荆南驅愧乏一斗酒何以明鄙軀相去各數里  
車頓馬踟躕客子還送人觀者爲歎歔

感寓八首

烈士不返顧奮志在一言將行禦霜露中蓄膏火煎未  
語先氣塞輾軻步難前暫與親好別俯仰時歲遷泛泛  
逐流波詎得稱豪賢希榮意多阻處卑尤泣然巨棟就  
傾圮圭竇寧獨完如彼九折坂往復摧輪轅

習習溫風至長條布芳菲朔方土深厚牛馬自苦肥追  
我昔所懼焉能解其哀強共事杯酌中腸日干迴清明  
氣和煥被體猶褐衣焦釜沃以水不救晨興饑勞人鮮  
完慮但欲先春歸入門斷車轍皓首嘗相違

長安逢舊交容色更姣好百錢致酒脯下馬垂楊道請  
言別後事恐傷子懷抱素髮生頂間猶恨不速老感子  
採掇勤竊自愧香草植根千仞谿嚴霜流浩浩微節諒  
何爲中路見枯槁

西山何逶迤下坂入平谷長松鬱青青流脂美如玉天  
宇良多悠將爲憂慮促勉竭當晝娛俄已動膏燭馨香  
奄易衰變化宛相續迴身指征鳥三歎一何速

靜陽堂詩集卷第四

三

燕俗好傾城麗服紈與羅十五坐樓上玉管揚清歌朝  
爲閨中質暮從市上過嗟彼負才士含芳寧蹉跎圭璧  
苟在掌奚用纏絲蘿貞信自相堅良媒不足多和鳴會  
有時鸞鳳來交柯

當窗罷文史縱步周堦除春暉融百物客心獨難抒顏  
凋革帶做少壯何其疎信乏倻侗術所遇爭須臾飲水  
不盈腹安羨東流魚軒蓋動成市惜哉生民虛微未竟  
莫伸志苟全中裙以茲樂鄉曲欲返忘其愚

良玉貴雕鐫始足克佩德美利雖百端持之貴不惑耿  
耿田中民厥好在謀國識微要其終林棲未爲塞

陽月草木枯天行度恒均弋獵有常期洪波出遊鱗張

網軼高墟馳騁疾若神樂終意不愜時時懷苦辛安能  
構雕甍延我一心人清琴隨手御卮酒皆芳醇聯坐詠  
高調日昃陶性真

聽吳子素求談華山之勝欣然欲往以詩記之

塵館無懌心靜友適初約述遊金方嶺我雲際樂抱  
癖近幽澄諧中契乍愕神遇景若覲言緩興彌躍選塗  
經渭浹探美踐嶠郭翠嶽雨新苔丹梯霽層閣邃域闕  
秦媛靈祀配虞岳始窮懼陟嶠繼進慄攀索鐵絙類空  
懸蓮沼究誰鑿候變絕浮卉宵沈嘯元鶴仙掌蹟可捫  
玉盆冷猶濯如何嬰俗人跂得寄微托服車力不任朕  
足遠已愕張愁亘西望沈痗恡名藥聊申接要論惠此

旅中酌

宋韓文過示近藁因贈

昏雨起塗潦花葉摧爲泥譬彼不遇者年壯常悲悽甘  
作窮巷民復借通都栖高城夾廣闕萬馬迎風嘶中多  
豪宕子曳組排金閨出謁盡朝貴顏色自低迷有美屏  
羣好訪舊來青谿近捨凌霄鵠沈淵愛鳧鷖明晦迹雖  
詭抗懷良所齊貽我牀上書恣讀如雲霓飢者得太牢  
釋寒以重綈修名本餘事摩揣勤烝黎君其志四海行  
遠情不攜

金魚池坦公席上同彥升作

盛夏出行遊屈彼城南池清波躍文魚烈蔭無繁枝華

館高下關郊臺俯重堦涼景拂羅纓客至忘所歸一奏  
絃上音陳觴義難辭旣醉時詠言太息吐中懷湯湯谷  
與地乃云昔人遺不覩官闕迹綠萸覆丹基快意終鮮  
存立德方庶幾激昂豈不傷冀爲來者規

酬汪千頃

炎月靳豐澤黍稷枯隴間游氛興四隅我將旋故山勞  
士服羸馬貴胄朱其轅甘苦各異懷何用相通言之子  
執初誼申章等輿璫袖中白紈扇皎若平生懽在道雖  
多疲嘉諷焉可諉詩人重還貺義薄聊自宣南枝有本  
根久旅非所安拾秉足禦飢一裘無冬寒川陵遶江麓  
輕軒美遊盤京圻富緇塵處潔誰能完君倘繼塗轍涼  
露乘秋團聚首無間時不使肝肺酸

靜惕堂詩集卷第四

五

畱別沈石友

三楚有奇彥結綬來延英內負匡世才磊落揚德聲不  
念當塗賓乃好藜藿貞翩翩羅衣裳出餞踰郊城執手  
意無極爵反仍再盈哀絲凝浮雲白日浩無精往路聿  
云遠我馬堦前鳴咫尺當乖離片言發中誠陟嵩渡汶  
維車軸與我并迴瞻舊城闔不見君子庭願垂克終忠  
在久情不傾

江行

凄月耽水泛疊舸命嘉儔越瀨善紆折伏石蔽中流元  
瀑涌陰壑蒼兕叫高秋靡靡金沙磧搖搖白蘋洲素鱗

若空轉槁葉隨波流釣浦跡未移仙廬道仍畱實維生  
民秀不徇英辟求蠲俗有貞約涉險當屢休哀彼溺塵  
鞅動復滋謗尤深適啓神悟安生資勝遊時服  
信步凌青丘歷賞非夙期聊用銷百憂

贈龔芝麓三首

馥馥山中蘭移植多不芳客身孤且邈焉能常慨慷駕  
軛適燕北百草枯道旁零雨隕爲雪歲序何蒼蒼比翼  
得嘉彥合契相頡頏譖言感繁興贈弋加鳳凰君子有  
端度遇患恒交匡潔服衷所欽大節誠難忘

鬱鬱清夜長明燈照寒兔新人雖滿前懷我心所故鬢  
髮忽中遷奇思何由吐壯夫重揚名勿爲纓組誤得閒

靜惕堂詩集卷第四

六

聊共遊相招喜無度哀歌盈路隅豁達効情素黃鶴凌  
高翻厥志在廣路良非咫尺趨鄙士曷能慕

馳景不可畱飛霜皓前坂契闊五六載嘉會亦云晚婉  
變大江側倏忽駟車返子有千金軀無爲慕嵇烈烈  
承主知豈必好肥遯居高布明德祿仕復何損膏雨  
先春敷休光及四遠窮交義方敦吾當助餐飯

長安寓居二首

辭鄉意不樂况值寒景晏陽柯隕貞條淒翻弄潛轉門  
軌杜賓會旅影集昏倦束帶嬰氛務隨策滿水旬玩跡  
理空陳憶盛志方眩迤邐歷層闥參錯啓芳殿紅藥不  
復秀元雪良自構混混塵途間安識我所羨遠作山館

虛俯戚華齒變勞驅使業荒榮來益神賤方期効蟬蛻  
素約繇此踐

城中苦拘迫遙盼當香岑綠蘿出西崦積陰冒長澗繡  
徑寡凡植巢枝多異音雲崖改平阡靜籟懷春林疑有  
釋俗士泥蟠互澄深攬初雖歧途究卒無異心薄組正  
需次豫日將登臨一柱子猷笏莫枉安道琴潔已累終  
捨屏好情難任行感暄序值更狎嘉彥尋客悵頽陶寫  
不得驕抽簪

答王宛蘿

獨客苦夜長披衣當清晨驚馬聊自策適我同鄉親素  
雪被荒巷簷花照重茵乍覲使情洽極論存其真請出

靜暢堂詩集卷第四

七

近所著鳳藻含紛紛從此王雅途不復憂荆榛贈言狎  
深契冷谷迴三春仰睇九衢闢朱轂隨飛塵貴人雖雜  
還韞藝無君倫天矯入玉堂日聞天語新將賡生民什  
永作開國賓杜陵徒野老何爲見咨詢脫俗秉殊度機  
鑒信有神願諧卮酒會久坐抒芳辰南歸旣連陌遠仕  
仍結鄰

鐵山諸公過集五首

積憂不可弭忽復清夜長矯矯中臺彥曲讌來閒房流  
月蔭繁木衆星揚其光慨彼迂俗士玉質誰爲彰徘徊  
岐路隅守禮終自防

玉衡有環運來景日以寒鴻鵠高天飛居者何能懼羽

爵間芳俎聊步青雲端  
騏驥不時御義命誠所安  
極意娛嘉賓良璞方獨完

落葉滿重墀華燈照蘭室  
越鳥好雙飛安能捨儔匹  
逶迤臨廣除春草坐相失  
今昔以萬殊懷感志非一  
卮酒不盡懽後會安可必

悲辛慎勿陳時艱壯夫賤  
喻彼籬下花含英冒霜霰  
皓魄良已虧餘暉等奔電  
羅網雖四設鳳德良自薦  
寥寥天宇空偕子以終讌

羅帷被秋陰攜手指雙闕  
愁人多苦思攬衣待明發  
苟無超俗懷瑤草愁易歇  
桑榆貴自收良馬志超忽  
鄙軀安足道贈子以明月

靜陽堂詩集卷第四

八

飲王敬哉齋二首

垂帶神不愜息駕投所欽  
孰知清冷趣近在天闕陰  
接坐契元晤乃怨間闊深  
行者備勞慮大隱多潔心  
蘭厄美獻辭古瑟張高音  
風徽吐微旨流目皆雲林  
脫跡謝鷓侶而况塵路侵  
象正影必偕異地來同襟  
明晦有環周嫉言無終散  
澄氛倚弘秉我將奏良箴

收潦羣動肅元柯散微陽  
乘暇相招攜遂得升子堂  
玉宇澹參差綺疏揚其光  
朱華斂虛壑貞蕤藉芳塘  
疑可弭懼遊吳唱蒙菰蔣  
充牀蔭文翰逸藻迴中腸  
當軒羽爵陳餘興被期翔  
流酒曷云極圓月浮飛梁  
此夕不竟懽百憂何時忘  
惟當聞德心清娛庶無荒

固菴徵冬菊詩和芝麓以霜中能作花爲韻五首  
耿介有餘適諧俗難爲芳感時愛奇服逍遙入中堂寧  
乏萬里懷客子知天霜

桃李易成蹊廣陌羅春風佳人來何遲仍值年命窮當  
筵撫清商托意飲酒中

三秦起游俠散金思良朋顧影復悔迹採藥鍾山陵日  
月逝不還誰爲察微能

元陰蔽高天神龍赴潛壑良會不可乘七尺義所薄穆  
穆南山前古意邈難作

流盼此何日疾風揚大沙枯蓬塞路隅貧士恒無家烈  
心竟焉施三歎庭中花

送王照千司理太原三首

靜惕堂詩集卷第四

九

昔與王子遊寒暑道未隔六藝謬居先清論見紬繹中  
觀象緯傾長作燕地客吹火照塵甌綠草滿虛宅杖履  
付斯人篤義矢無數下爲分手期云有王事役千里適  
并州欲挽苦無策坐聞繼綫音駟馬已在陌誠憂仕路  
岐敢計形影隻將離一長鳴勸酒冀終席吾當暫淹留  
觀子奮高翮

威鳳不棲枳駿馬恒軼塵子有平生言志在康斯民揮  
手播春澤百卉皆調均出彼桁楊餘濯以清露新纓簪  
本外物兵饑况薦臻寧劬羶附儔遽昧丘園真勞身奏  
洪績達道古所珍時聞晉陽濁亂汾水濱無曰名位

微束縛貽世屯膂力正剛強嘉祐將屢申勗哉重相勗  
保德如艱辛

溫風應和律令序開朱明被命不遑處駕車遂西征前  
鑣指太行入宿上谷城黃榆夾青天障塞日夕清山川  
信綿連遙遙去神京芳華媚時服皓月吹長纓僕夫不  
告勞行裝一何輕父老提酒漿馬首紛相迎人生且適  
性安用公與卿鴈門凌大河勝迹羅階庭好爵來寵章  
兼獲怡咏情

酬胡彥遠兼以送別四首

明月羅北牖遙照西山岑客居情抱難地氣恒見侵朝  
彥獲多譽下澤無好音何意觀斯人嘉秀挺重林入座

靜陽堂詩集卷第四

十一

投來章美義使我深素袂清塵起雙闕懷芳陰潛處不  
慕羶孰能令荒淫盤桓車馬跡不異丘中琴努力堅後  
圖喻德如南金

攬衣出高阜臨望有所期所期幽且邈安能至京師果  
諧傾蓋語千里還見之形影靜相接甘醴振清思虛簷  
飄積雪燃膏照春枝同聲不易得友愛非溢詞愛子剖  
中素極論存妍媸苟無連城壁礮錯將焉施仰絕冥鴻  
翔返顧奮鈍姿軒車等雲逝此樂不自持長當表殷勤  
乃覩合與離嫵婉在重陰忽覺景已移繁憂塞天地何  
時復歡悵

豐草被元坂餘風拂羅纓大志薄朝市篤誼仍友生淡

觀舊京俗舍意多所成孤身念鄉井好鳥向南鳴劇戲  
繁臺側轉望燕昭城平蕪不可極戰壘何縱橫妙咏之  
故儔據鞍涕已盈居者困塵慮惆悵難合并蘭茝雖異  
植所貴全芳馨哲人原其初無爲計浮名

廣塞絡洪河春木鬱芊芊白日麗澄暉遊子不得閒道  
路限阡陌軍旅出其間俯仰時勢殊聊復存田園單衣  
冒長棘飲馬臨前川入門告我去執手不少延信知孤  
往易勇退良獨難寥寥見城郭羅帳生寒煙沈思安所  
益發子以鄙言佳藻願無窮徐使尺素傳

將出都酬吳六益四首

長安雙闕高下有客行路良馬日夕馳飛塵等烟霧貞  
心貴無渝晦明保其度懷新難久要百事不如故感慨  
立前庭鬢髮俄改素人生誰不老金石亦非固相勗揚  
嘉名白日照情愴

江南多麗人羅縠盛芳澤容飾及春華內槁誠何益所  
思在壯夫寒暑義不易鴻鵠好北飛三歲重見覲蘭蕙  
秀中懷清芬吐瑤席行樂正當年結友聊作劇驅車歷  
漢京返顧望阡陌無爲逐羶名高節諒自惜

盤中雙玉環本出連城珍珠以古良工精巧方入神薄  
俗不見施棄置灰與塵舍意甘自媚結束終愛身豈不  
念浮榮所懼傷其真微志未合并四海皆路人何期發  
同調一言遂相親執手風波側長歌送車輪車輪何時

還遠憶多苦辛

懽娛無百年悲憤常不休  
彼大海瀾浮沈駕輕舟  
我今遠于役惆悵不得留  
清酒雖盈樽形影徒勸酌  
覆水結層冰精誠諒難收  
芳歲有時晏孤貉乘高丘  
仰觀雲中禽噉噉求其儔  
相失踰萬里山川鬱網繆  
安得王度澄與子同優游

靜惕堂詩集卷第四

靜惕堂詩集卷第四

十三

靜惕堂詩集卷第五

馮李曹 溶秋岳著

五言古

四

寄題白鶴峰蘇公祠

眉山昔南行卜居非有擇平生忠義懷常如喪家客雄  
名馳九州娛老在蠻貊一峰自然青江水終古白沙尾  
進層瀾牆陰縮枯柏浩氣吐虹霓獨栖拊瑤席遠踏羅  
浮春好與塵事隔日侶漁樵言豁達謝簪烏桂酒足駐  
顏稚子遶前劇當時聊寄興何者爲我宅寧知遺跡存  
長使天地惜陵谷數改觀斯理不可易華棟相與飛徑  
草至今闢過者想音徽非徒荐匏石蒼蒼風雨中千載

靜惕堂詩集卷第五

一

寫胸膈文成海岳愁身去朝野圻英靈式來茲一笑慰  
遷謫

聞芝麓賞 詔將至三首

海水晝夜流庾嶺高如天長道杳莫極憂思亦綿緜我  
豈發狂疾良友去我前周歲異居處各已非少年散失  
風波中璞以頑自全何意皎日暉遙下扶桑巔貽我相  
見期得罄平生懽會合本常分情至難爲言

朔風鳴廣陌四牡來皇畿日臨隴頭水望見征人衣鷺  
鼓揚朱干方舟夾龍旂借問使臣誰云是我所依直節  
具高度珠玉相翻飛同聲方載至久客忘其歸沾體拊  
氓庶不使初志違一覲雲霄姿乃悟塵土微

南山有元豹其文誠太彰茂草媚春澤還怨喬松長  
蹇道莫施讒言遂彼猖俯仰車轍寬膂力猶剛強散慮  
遠遊歷安用增感傷河清會有時脈脈迴中腸勞苦不  
在他且復羅酒漿晞髮禺山垂投釣桂水陽

廣州署中作

伊予戾茲土戎事難爲工非告筋力勞泣此徒衆窮駕  
車秋草萎修復榮青桐圓月屢見缺虛牖來涼風湯湯  
大江流崇山出其中萑苴發朱光珍禽充雕籠豈不美  
遊觀客子懼所終促裝少寧居因時惜微躬卮酒旣忘  
憂聊欲隨飛鴻

送芝麓還朝四首

靜惕堂詩集卷第五

二

憶昔共良會結駟燕山傍奮身作麟鳳推挽義所當餘  
樂在墳素浩浩盈德章觀者感歎羨白日多輝光年往  
不可追流落殊鄉邦野葛持作糜敝衣度嚴霜嗷嗷相  
慰喻始苦聊自防仕宦不益人祇覺田園荒我將返吳  
曲覲子仍翱翔毘勉俟陽春荅彼蒼生望

單車適南土曾不踰兩旬再陟贊硤谿去截洪河津徘徊  
不能送相要以鄙身吾欲竭衷素藿食無良珍桓桓  
生民略屈久無不伸居高易乘時穆穆和臣鄰所傷投  
分殊四顧皆他人玉顏須自惜藥石終無真臨風贈哀  
言異彼旨酒醇餘懷將見敦絕域如周親

簡書日相迫爲懼豈能舒况復遠別離悲痛與我俱微

兩不澤物蕭條環室廬故人何翩翩朱存出城隅繁音  
導中流山川耀前車曰承皇革命返旆於國都隆寒下  
雙轂初春戒泥塗讌席不遑暖効職良已劬曷不振長  
策奕奕持要樞世士媮自安君子方馳驅

吉日選徒侶輕裝下炎州歸輪如疾風不復與我謀飢  
烏噪空城長矛列前丘但覩行者樂不聞願淹雷淹雷  
誠何爲奔走成怨尤賓朋多祖席佩劍揚重裘軒軒來  
坐隅所向非匹儔當風發馨香自識薰與穢男兒重知  
已中懷貴相酬分手須臾間何以解我憂

三水舟中與芝麓飲別二首

連山赴平野春木秀江干輟騎命輕舟將以恣遊盤翠

釜耀文鯉雕弓下飛鸞美酒方盈樽可用揚清懽華燈  
有餘陰爛爛明星寒情懷信中結簫鼓陳其端同心散  
四海肯惜投琅玕幸爲摩天翮不作泥中蟠慷慨堅自  
持勿謂行路難

相送歷端溪前旌指梅關平楚有時盡海水流不還古  
來繁華地與子經其間城邑尚環峙民族皆道邊迢迢  
百餘里所遇無一妍天道且盛衰人生又誰怨中夜起  
高歌客感浩漫漫陳觴未及半咫尺粵與燕安得兩不  
離朝夕同話言

丁酉四月聞祖母之變賦怨詩二首

大海浩無涯緜緜歷山畿陰雲隨時興寒勵穿人衣鬱

鬱萬里餘望我庭中聞忽聞白露零蘭澤摧其輝哀援  
號四座莫不增歛獻祿仕起深尤濟世亦已微艱屯竟  
終梗欲繫不得歸黃鵠豈無翼愚夫昧先幾流涕思入  
門骨肉長相依

南征拜堂下王母方樂康遠適未周星嚴霜盈我傍老  
人愛子孫所貴相扶將音書旣乖隔塗路何其長人皆  
守桑梓隻身獨他鄉宦遊復不達零落隨斧斨仰歎白  
日短江流去洋洋喬松且時殞蜉蚋又安翔生與休運  
違沈憂以爲常

海南雜詩二首

出身吳下蒙遠振天南輸負志懷耿切欲排生民患豈

靜惕堂詩集卷第五

四

乏丘中英賤之若蓬管懿彼山上松凝霜不能干貞脆  
本殊趨衆信良獨難韓盧逐鼯鼠敢謂力不殫俯首迫  
吏事晨作恒暮餐孤身別親友戚戚無餘懼本屬炎瘴  
區悄然如已寒一夫銜精誠莫測瘡痍端乃知傑士名  
偶爲時所完去去勿復思潔迹謀其安

海上有嘉木日夕哀蟬鳴被體富絺綌在俗多裸裎積  
雨沛江介時復涼風生寒燠了無異少壯與我更獨居  
多恐懼好爵良所輕泛泛天地間默默失中情神戚智  
亦竭理當息鷲爭鳳德雖貴飛遠時終全名周覽極東  
南嘯歌愛軒楹秋陽被禾黍鉅細皆告成奚必策功實  
然後爲身榮勞逸有常樞微願將合并

匡山懷古

宋德應文運玩寇耽懽偷中原一板蕩海表無安居黃  
屋枕滄流旌旗搖神魚寸土非我家徒托忠義軀力挽  
東去水重起洛社墟軍幕遏崩濤雪涕迎鑿輿情知鼎  
系絕聊愛存斯須北風殷地來鐵騎張四隅焚香水盡  
赤蛟蜃聞嗟吁綿繇藝祖業造次歸穹廬將中有人英  
其志不少殊扶傷再決戰天時正多虞傾覆似茫昧興  
亡實相驅安有洲島間王氣猶奔趨斯理本易明死者  
不顧愚臨危得數公朱鳥光不渝養士汙有成足以爲  
君模

上涇陽峽

靜陽堂詩集卷第五

五

暄候釋朝組輕楫謝賓餞豈必出五嶺卽次良所遣散  
流萃神源削嶽被飛練采隱心若接貪竒目仍眩復登  
孕貞卉懸溜挺春箭致曲道始一習坎境愈善霞舉興  
昔懷林偃動今眷雖殊凌策遊頗足慰清燕晨餉出圓  
穴夕援避空骨悟物疚自解拊景歲方晏晞髮非外求  
畢婚冀終踐掇幽申短章將貽智人羨

西南驛樹下與諸公會飲

羈愁暫相輕乘船命徒侶元陰迴漲沙日昃聊共語粵  
天且高坐海岳中間流好景盪佳句欲別那得休人生  
會有極興到須出遊金風從西來吹我青羊裘去國已  
終歲穩步無傾軻好爵豈受縻長揖趨林丘荒臺夾清

莎空波搖廣陌新喜脫瘡痕甲馬洗陳迹感慨發狂言  
不覺岸巾幘上攀崖際松俯采澗中石松葉鋪爲茵壘  
石置肴核勿復事拘攣達哉遠行客

別鐵山六首

南山一何平海水不可竭悠悠天地中我獨與君別各  
有萬古期中道成蹉跌明月耀鄙軀圓景誓不缺徘徊  
復奚爲行行盼車轍

巖巖千年松本自陽春滋閱俗旣經久霜雪應見之緩  
步上金闈羅紈順時施當筵御旨酒歌曲陳清辭容華  
若齒苒苒苦中心知常爲末流棄乃得君子持良規一  
以遠躑躅臨前歧大義貴終始跡異情不離

玉顏照晨光憶昔同朝懽良驥奮逸軌四海來遊盤天  
道無常親小人億其端應龍失神淵乃向泥中蟠風雲  
不我俱二曜徒跳丸考室在磐石居者不顧完同爲清  
商音聊欲貽身安仕宦執金吾難與爭羽翰

與君不相見荏苒十歲餘代變谷爲陵還復同衣裾飲  
酒間談笑少壯良不如乃知懷抱開時命非所拘我獨  
好愁歎不願樊籠居濯纓五湖水戢志眠田廬

平生竄竒節良友素所愛蘭芷雖被摧芳德固常在相  
逢荆棘間何殊度沙塞我當返故疆後會恐難再黃鶴  
嗜翻飛懼爲弋人賧美璞沈泥沙物以先自晦炎月謝  
海陬天寒達吳會迢迢萬里途日與知己對

敬子隱人杰揮手辭虞機何當臨別語策我仍奮飛大道有恒運窮達亦甚微伊周匡世難名實非所希時至人不違風雨爲前驅揚颿逆奔流行者譏其愚負重絕筋力安保千金軀曷哉商山翁善自持德幾藥石冀再投使我忘其歸

畱別曾旅菴二首

名駿不負輓神禽豈巢枝孰惜蘭茝枯徒悅蕭艾滋赫赫當塗子嗜進使我悲盛勢鮮克終日夜涼風吹有美越塵滓刷羽凌天池朝登玳瑁筵夕蔭長松姿結宇鄰化跡丹岑列參差與我締深契相送澗水湄高度沛元音千載以爲期光景有常耀勿復愁遠離

靜慢堂詩集卷第五

七

買酒東門外大道生秋風車騎何蕭蕭去國難爲容主人命安坐慷慨陳始終懽會意若釋憂來塞胸中一出踐危途飄忽霜前蓬春澤罕見施枝葉摧頽空踞躡下駒乃得存微躬古道久不作親友傷我窮賴有還山人其志與我同登車盡三爵意氣誠豪雄

杜于皇徐松之過集倦圃畱宿分賦

處退解繁務蠲懷蹈幽諾養性貴自然齊物憺無忤曳策越塵坳鳴檝戾芳薄孟夏草木晞悅此池上閣陽岡艸朱英靜止嘯元鶴理愜盛遊豫時至慰樓托嘉彥淹古歡閒暉動清酌嵇琴旣一彈謝咏亦繼作欲從巖阿人辭家采五藥臨淙網潛鱗陟丘飽飛藿曠景方入林

蘭火已在幕祛吝生可攝逃虛道彌博達化豈外崇甲  
言戒龍躍

送姚文初還吳二首

驅車出長水云返三吳闡至義相感激何異同條親德  
祚有遺澤文采驚四鄰暮節更違俗孰能譏隱淪春風  
自東來弱草皆懷新獨逢貞松枝子子含苦辛素絲戒  
中涅龍蟻無屈伸岐路滿天地晤言不盈旬願結平生  
期斗酒聊復陳

四序嘅環運憂感紛以長生當未俗間凜若被嚴霜勵  
志絕所驚戢翼輕雲翔方舟下在渚炎風烈朝陽翻然  
去儔匹束身抱珪璋一往紹前緒日月垂休光偉哉賢  
哲士各自懷其鄉我何獨栖栖踟躕乖天常

徐蘭生過訪奉贈三首

南風吹葦草我友來山中乖離未周月渺若孤飛鴻美  
度令人憶繼繼當益崇出處秉常訓形判心已同寥寥  
環堵居素業各未克婚嫁盈懷抱曷能守虛冲討論繼  
朝夕元化無終窮不見晏陰銷杲日麗太空哀樂本自  
然躁人適多凶安貞荷相勗物表營微躬

遠戍寡寧歲浩歌盈九州聞君越水湄泛舟舒煩憂列  
席芙蓉園濯足臨長流珍卉秀中除文石夾道周嘉賓  
隨時集皓月開羅朱夏有餘淒謂當永嬉遊忽復顧  
敞廬此義古所優彈碁間清咏采藿克晨羞敦交意良

擊進德追前修

松柏不孤生高山多兔絲共君結兄弟躍馬乘芳時曠  
景倏告零顏色無華滋蕭條異鄉域夢想還見之况得  
接瑤席元酒盈一卮此夕須極歡沈飲亦已遲蘭缸燦  
朱火霖雨鳴庭枝逍遙及良晤砥礪爲我施戚戚慮分  
手徒使曠士嗤

韜光菴和高忠憲公韻并志感懷二首

選日屆山宇意適常有餘喧寂兩無染乃得還其初古  
草幽更綠巢鳥鳴階除獨往泉上遊人境忽已疎簷表  
得微路高下隨所如肅肅清晝闌月出松林虛解帶聊  
宴息豈曰非我居

靜陽堂詩集卷第五

九

永懷盛朝士抗疏霜臺秋何爲憩山椒遂欲辭公侯抱  
道好孤鯁此義久未酬僧廬徒黯黯瀑布垂青丘百年  
苦飄忽浩浩生煩憂絕嶂自古來公始開重幽聲名震  
奸宄大節排長秋晚景契閒靜舉手招白鷗山林有遺  
勝斯人不可求臨風倚叢竹將去仍淹畱

忠憲兩押秋  
字余仍之

自南屏山入壑菴

雲峰不可際捨權利登陟離藥亘湖陰石篠蔽山北蘊  
邃得餘衍纈秀類初植紺宇非過隘蒼靄自相逼堅卉  
炎未凋嘉泉光可拭分曦悅遊鱗拂岫竚歸翼會當集  
神理豈特解煩惑招侶撫烟條迴身向巖側弛帶情已  
移酌茗喧易息涉目遂成娛狗境轉乖則羣生貴適然

美好安所極

玉泉寺觀魚

北嶺富精藍中洲戒虛槩披衣闌暑變緩策長林廣遺  
構邈輿牒頽制合莽蒼文魚漾清源唼藻每羣往翠礫  
布幽潯圓珠涌墳壤雖乏池上宴妙契方外賞垂綸諧  
素期察淵動新快機杜德自寓神奇象猶袒飛潛無定  
區倚伏類反掌投山信忘疲觀物更奚攘途盡返孤懷  
景旻戀餘響盤遊非用深保此謝塵鞅

重遊壑菴

永晝理故懽挂席指澄練薜蘿雖漸遠賞會敢云勌瞻  
林步已隨企谷目還眩靈境詎可狎邈近且相眷架壑

漱元醴寒牖覲陰霰茄下宛舟居松間足山醮趣本尚  
孤超跡豈棄工絢秋花皎懸崖栖鵠避長胷選勝均自  
設外美孰能擅初詣僅形習游至令累遣進輟登頓繁  
退憶圭組賤三諷逍遙篇寤想在前彥

三過壑菴

積潦有時息啓戶抒我愁俄頃具有核微波進輕舟南  
山近可掇退士懷所投撥草徑已熟寒衣坐泉流屋角  
垂晚花枯槎渡前丘松門屹中開削壁如重樓日西靜  
香發孤磬冷然畱勸客策餘勇其上雲屏幽亂石澀織  
趾捫葛恒數休玲瓏莫能狀古鐵搏飛虬偶逢隙光入  
窈窕全湖收荒榛隨歸路虎穴防深秋久歷情更新仿

佛交誼稠鄭重不忍別萬象青颺颺

亦世元侯招同水泛學度信體

旅宿自多閒羣居轉無競朱明方解馭暮收已司柘畫  
鷓花間上緹幕柳中映涼風聚松聲絲雨適魚性清沙  
似聯璧平湖夾雙鏡畱懽命深杯向夕發嘉詠攜琴得  
菑生餘香繞荀令蕭蕭竹粉落藹藹荷珠迸凌岸景尤  
集揚帆翠交迎一悟入山煩彌懷臨水淨

暑夜同朱錫鬯

山客厭塵途本在山中旅秦望有幽崖欲往適見許處  
遜易爲怡芒屨浩無所涉旬事沿洄一舸隨平楚鄰鄰  
雙白鷺隨我下前渚夕照修已沈返權別孤嶼憂來冀

靜惕堂詩集卷第五

十一

可揮繁思盪元醕朱火淡東壁謾謾清鐘舉長松轉微  
涼興到莫能語

陳烈婦詩三首

嚴冬多北風吹彼庭中蘭萬卉豈不傷奇節良獨難嗟  
曄出深閨盛年人所歎形影自相匹忽復中道單有何  
婉孌妾命薄令祚殘燕好一朝失欲見無高翰白日竟  
捐軀含笑絕悲酸始爲百歲期終乃千載歡

昊天晦中夜景曜不可常良耦一以乖迴身向姑嫜塵  
生桁上衣蘭燈守虛堂哀鴈起沙洲羅帷鑒繁霜同穴  
侍巾櫛賤妾職所當十五入君家觀者滿道傍二十遂  
孤飛鴛鴦不成行紅顏若未凋爛若芙蓉光報君泉下

心永謝紅粉妝

未俗賤完行婦德恆易隳何來下里間激烈維其哀既  
不處貴門保傅亦未施慷慨志已決旁人安得知酬恩  
在一死柏舟復奚爲皎皎孤巖松不藉陽春滋蒲生磐  
石涯寒暑會有移殺身本常分大義貴臨時聊用忍須  
臾荏苒終敗之哀哉巾幗子乃勝世上兒

春日偕文公遊松山

山是壘  
土所成

守寂寞餘適志與年共馳德友垂善誘覽勝順良時出  
郭攀窈窕揚舲度漣漪澄懷得竒觀遯世多安棲連峰  
襲叢薄孤崖闔郊扉雖乏蘄絕勢積卑自成基密篠界  
華館鳴鶴沿清池方炎避寒露迫暮駭晨曦下里孰構  
此貞士昔所遺朱絃不復彈酒頌相與微六合信綿邈  
五畝足退怡行將討芝术周遊忘所歸

咏文公室中冬蘭

靜宇善觀物釋俗謀至清焯焯幽谷姿乃得陳階庭枝  
葉吐竒芬不驚三春榮素月皎在天繁霜凌玉英俯仰  
顧園中羣植皆告零托根不盈尺何意全微生嘉泉相  
灌漑白石揚其貞願終君子惠暮節輸精誠

錢氏東園

艤櫂循芳原乘流弄清淺曠人遺世榮幽迹自茲顯周  
垣蒙青苔架壑蔽元囂樂樂嘉木秀若若山石偃情舒  
倦羽歸意淨遊鱗轉采隱物不閤披圖徑方辨當階延

瀑雪開牖藉巖蘚擷腴厨自豐流濕席可展深陟忌凄  
清久翫怠絃管嶺宿旣賁綠水泛亦沈酒趨榮誚春萸  
矢介踰秋幹鄉曲美相招息轍願終踐

虎丘雨泊

江東名勝區吳郡富林藪近郭可滌洄茲山實稱首七  
里蔭方塘清氣漾沙柳泉竇破重巖眞茗似佳友情專  
擊漿來衆壑落我手停午暑力微輕雲冠長阜水鳥舞  
船頭深泥沒湖口蒼茫竹柏中翠黛孰能剖劍池空奔  
流墓虎不復守興限謝公屐昏飲盡一斗頃刻難預期  
萬事莫非偶小夫規目前吾道計永久續當啓禪關白  
月盪松牖嬉遊非夙耽佳處恥相負

靜陽堂詩集卷第五

十三

周青士沈山子朱錫鬯過我園居

古木秀林表淥水栖城濱門庭靜無跡乃欲還其淳  
客造座隅雅度開沈淪芙蓉媚廣席涼露流冠巾夕照  
散閒緒拂石垂釣綸點筆曲池上微咏何彬彬遂覺蓬  
蒿廬中得江南春自卜此宅來疏剔漸增新菜把日充  
饌種松長比人亭宇雖過儉高下皆如眞能使友朋洽  
不特魚鳥親茗飲命荒厨相顧忘其貧清飈泛瑤瑟時  
雨吹輕蘋惟當絕塵鞅篤與隱者鄰

題黃山谷草書廉蘭傳卷

草聖邈難匹其跡千載湮北宋多大家沿波襲鮮新桓  
桓雙井翁力迴太古春浩然塞宇宙歷危氣方振屈蟠

會臆間鬱鬱風霆噴時當發佳興鐵畫懸蒼旻枯藤挂  
絕壁騰擲疑有神下瞰墨猪拙渴驥休稱珍遠放玉堂  
彥偃蹇夷獠濱鉅手不自惜散落如灰塵何年書此  
瘦硬非常倫蛟螭怒相拄雲錦縱橫陳似嫌桑皮澀王  
版色過銀香軸綴瑪瑙縹帶盤麒麟展視起深敬正冠  
仍加紳公也志所托痛寫節士真抱壁誓俱碎數言折  
強秦迴車急大義小勇奚足伸異世感同調金石開嶙  
峋公生元祐末道得髯蘇鄰束身窮瘴鄉一髮有千鈞  
國有章蔡徒奄奄遲將泯孤臣心憤切龍跳不復馴餘  
光照書席慷慨懷斯人

子將謀隱梅里五月十九日梅里爲盜所劫因寄

靜陽堂詩集卷第五

十四

山顏錫壘山子青士諸子

闌闌難久居仁里素所慕一水繞通渠雙峰橫古路禽  
尚宛然在直爲高世度桑竹靄成鄰漁釣不知暮賊徒  
來何方飛艫忽屯聚煌煌白日明焚劫怖童孺豈恃招  
撫仁將謀進身具警急近城南繼此足深慮吾方營一  
枝盡室伴鷗鷺鬢髮變爲霜他鄉那如故目擊恐懼頻  
買山非細務乃知遭亂人流坎兩無據先哲戒求安達  
生等萍寓

天下無言文選者詩日趨於敝而五言爲甚近日始  
知羞稱景陵更溯正始然吾嘗見其詩考其原委所  
爲正始自大曆已耳無論風雅爲几筵漢魏爲俎豆

卽開府參軍李杜常亟引之而近人一涉六朝輒去  
之若將免焉竭其生平之智力區區從盛唐諸公庶  
下周旋豈真以庾謝風流反出其下耶嗟乎時賢不  
學至於如此獻吉云世不道曹李詩尚矣吾每對斯  
語未嘗不掩卷而歎也比年以來得交曹秋岳先生  
觀其近體便已折腰及讀古詩如置身黃初元嘉之  
上覺子美得失寸心知遙有會心而非過矣故意取  
其厚辭取其自然所以復漢京也調取其俊逸格取  
其整所以明選體也而渾雄悲壯馳驟兩唐者反在  
所略仍于篇終表出之以正告天下之爲五言者旃  
蒙大荒落嘉平既望宗周後學李因篤敬題

靜惕堂詩集卷第五

五

五

靜惕堂詩集卷第六

樵李曹 溶秋岳著

五言古五

將赴雲中寄友

少日好馳騁磊落多瑰竒烈士營四方出門乃其宜一  
舉凌重霄振袂滄海湄睚眦風雲開密約同心期雖乏  
執手懽何異比翼栖所戚芳運徂有若墜井泥夢寐升  
高丘長跪攀丹梯靈駟正殷遐玉顏無繇締解竹發孤  
唱素醴空自攜宓妃不我媒往路增煩悽信誓皎白日  
欲合而更乖蘭芬蔽幽谷孰能忘此懷

澣墅別諸戚友三首

靜惕堂詩集卷第六

一

人生重遠別相送臨吳閭躊躇不忍發起坐浮清觴春  
飈轉朱旂淥水明高檣絲竹非不工羈人自多傷欲叙  
殷勤懷躑躅不可詳羔羊異常服戒僕春餼糧觸目見  
塵沙擾擾盈路傍何必燕與趙然後悲殊方

遊雲出豐岫旦暮爲還期束身就行役遲速安可推出  
關已百里親友從此辭心知驅馬後夢見親容儀寄書  
附飛翼一字三涕洟何如把衣襟盡此曦景移互祝慎  
寒暑憂慮非所宜鬢髮鬢不改慷慨如今時

山川浩無極燥濕粲以殊嘗聞白登城烈烈風吹裾蹉  
跎過華嶽乃復收桑榆異俗狎旌旃欲往增嗟吁誰云  
側芝蓋仕宦可安腴閑我芙蓉園英藻不得舒席中諸

父兄各各還其居同遊二三子里巷多權娛而我獨何  
心孤憶行塵衢邯鄲通大道代州亦名都豈乏新相知  
愛好終不如

同元亮飲賂上齋

和風啓良時穆穆君子筵琳瑯耀蘭室令德播纏綿往  
古邈難嗣物序多推遷挺爲拯民哲合迹寧偶然澄江  
盼河朔鞍馬列我前弧矢插兩房被服成華妍臨懽感  
乖離麗景不得延芳蕤改春枝澄水激流泉陽烏驟西  
傾炳燭發高篇脫略監史陳騰爵自無愆攬勝願申旦  
嘉期復何年

河上與元亮別

靜陽堂詩集卷第六

二

杲日麗遙坂列樹發春榮鷁首捷若飛千里吹朱旌壯  
哉江淮間使我樂遠征將事有嚴期懷安非素情晨驅  
廣陵道暮宿稷下亭念昔同朝趨雙佩鏘芳聲恭承湛  
露篇鳳藻揚玉京巖松雖摩霄徒駭冀上英在德乖用  
晦胡然怨歎傾路側當分攜東西望難并距勉陳令猷  
保已有常貞

答林臯思

江臯有香草習習吐竒姿含英豈不貴所嗚非良時元  
霜應商律豔節潛已移葦菴被中谷其上車輪馳愚者  
羨榮達乃乏千載期君子秉遐度惟悴夕自持一朝去  
鄉井久別凋華滋雖無賞心士折搖當念之仰望天宇

高俯身臨路歧惠風吹不絕得結同心枝

萬物同春亭讌集

獨居志不懌賢友盈我傍清言振明德奕奕多芬芳釋  
轡謝繁弱左右皆圭璋豐裘順時施朱纓隨風翔鳳鳥  
一來儀庭樹爛生光黃華秀霜節素雪冠高岡文魚出  
甘醴佳夕陶閒房鄙人寡遐慮所願惟樂康皇澤沛通  
軌亭障無兵攘得竭葵藿姿容與文翰場寸心苟不愆  
離合安足傷

雲中讀朱少章普恩寺碑成二十四韻

昔聞所請使抱印臥沙磧館伴禮不施飄搖竄戈戟九  
死纍囚中積久免拘迫遷居得招提異教又安擇痛憤

靜陽堂壽集卷第六

三

骸骨存值此天地圻茫昧鼎湖道慘慘雪窖白首尾十  
七年義不枉尋尺南渡竟偷安瑤殿倚潮汐長脚尸太  
阿誓書出下策二帝且無心孤臣那相惜傷哉歲月多  
大信漬蠻貊子弟競從遊緇流敬尤劇螭首立貞珉跪  
拜乞筆迹苦語吐琳琅瞿曇借光澤晝墜齋壇花香雨  
潤文碣至今雷電迴神鬼護金石劫灰凡再飛同軌混  
疆場霜霖溜古瓦剝落良可惜拂拭梁上塵摩娑登簡  
冊翹首天福初割賂成間隔控弦易水濱牧馬陰山脊  
誰知燕雲州翻有江東客造物祐迤邐生還蒙賜帛三  
歎告邦人懷忠助紬繹

雜咏三首

促促戎馬場卑伏無奢求耳目限蓬菅鐵石摧爲柔何  
必挾金彈京洛美遨遊杜康一來過足割終歲憂疾風  
捲緹幕翹足城南樓魏尚起小吏令績垂千秋中心復  
縈迴荒晏非良籌

荆棘盈道傍射山邈難卽下有汾水深欲涉懼傾側神  
人不可欺感之在凝默恍惚在我前綽約見顏色臨行  
貽佩珠絢爛若組織愧非超世度無以承令德

束髮輕遠行誦古耽壯略欲移天柱高俯挽滄流弱遲  
暮適西陲莫測元化籥懷古官然深端坐景前獲逃祿  
賦龍蛇入山正窮索踰垣亦何爲拊心在無怍三晉信  
多才不獨縻好爵憔悴義難安徘徊倚寥廓

太原遇趙山子用照千韻爲贈

遠懷不可息晉山轉迢遞條逢霞外賓始覺塵鞅賚兀  
然澹無營往往發真際討論極蒼雅千載托良契餘波  
畱粉墨曲藝莫能蔽是月炎氣深南風晚逾細清醴吐  
高言蘭火照芳砌人生喻轉轂離合鮮根蒂况值紛攘  
間共蓄懷土計任運聊自頤勿使齒髮敝

答顧寧人

北鄙寡同儔中情正枯槁謬蓄四方略救溺甚援嫂東  
縛無所施空堂對衰草有美三吳傑險要動深討良馬  
碧玉鞍興到踏豐鎬燠土旣經時行李濕秋潦西南微  
調繁萬里賦納藁囊有本務書利病滿懷抱采掇及細

流訪我平城道艱辛戈戟間匡坐說蒼昊撞鐘得洪音  
大樸去纖縞汲古沃其根枝葉倍姣好下視班張徒炫  
目但虛藻是月涼露零長邊靜杲杲旨酒偶一御愁緒  
怒如擣豈無千金藥情僻使人老外物喪真常進德貴  
及早戢君肝膽言與眩足相保自知良獨難民鑒以爲  
考

照千至喜而作詩

雲州鄰北荒孟夏無柳條虎豹嗥深更刁戟聲蕭蕭村  
民懵釀法酒市旗空搖蒸黍成濁漿十旬乾我瓢危坐  
發書讀不解心鬱陶呼客彈秦箏節用碧玉簫曲盡轉  
婁惻雍門難爲驕鞍馬適南岡顧見高盤鴟誰能挽繫

弱射落當青霄朱樓與金剎半出劫火焦黃日閃暗谷  
蹴躡來病樵曠野陽春遲徒使顏色凋徘徊正無策忽  
枉汾陰軺愛我遠長征不怨塵氛遙肯啜藜藿羹解衣  
臥松寮朗誦明月篇衝口皆瓊瑤軟語掣花簾快論鳴  
秋潮昨年裂文組恥折元亮腰別業海淀濱鳧鴈栖蘭  
茗充牀富萬卷生事如汶寥猶嗤寰宇喧未足揚清標  
時時招鍊師素琴橫中宵縱覽蓬壺上揮鞭揖佞喬子  
也丹丘倫物外從飄飄予愧名跡拘敝冠仍插貂誼重  
乃相顧歛浮叩虛囂澄襟互申討式俗真不佻此邦久  
凋瘵宦遊塞風颺雅士一周旋始覺冰雪消再訂脫粟  
期張帆命江船

和煦千紀夢二首

無夢夜自悠有夢良亦佳皓月入虛牖好風與之偕起  
坐闌羅帷勿使形影乖浩歌振瓦缶扣以碧玉釵陶公  
憂世人簡迹逃荒厓瓶粟幸新穫在賤氣不埋逸翮常  
卷舒巖谷如同儕迴顧采薇士落落開我懷

日昃衆賓散古署爲衡門暫息經世務緬想幽人言開  
帙偶會心在已誠不煩真氣當內引榮木先培根蕩蕩  
延年術千載誰復存盛顏迫就衰逝景方高奔聊用狎  
旨酒晞髮臨芳原企足望四海寂莫畱丘園築廬長松  
下苟足貽子孫農具列重階曝背思朝曦安能隨薄夫  
狗物忘所尊

靜陽堂詩集卷第六

六

遣胥至曲陽搨北嶽廟碑

吾衰屏塵雜弱翰頗好弄邊州病寒瘁凌秋墨池凍流  
覽歐趙錄日月聊自送擬補夾漈疎孰慰宣和痛披剝  
裨聰明蒐討辭倥傯反藏雖百編零落亦已衆側思恒  
山陞蛇蚓結昏霧陰林上危岑乳沫走虛洞谷張饑狼  
置晝聽巢鳥弄歸然翼靈祠掃土消怨恫中多琬琰章  
扁刻見深藟薤葉美離披銀鈎凜森動遠溯貞觀初宋  
碑略成諷書流晚媵媚那許稱伯仲妙蹟未充囊古色  
屢迴夢渾河隔雄關資爾出飛鞚摹榻幸遄歸直氣繞  
梁棟入手蠟痕香懸足龜趺空匣芸驅粉蠹暉縹裝紫  
鳳遺文非細務俗儒敢相控祀典脩紛拏目睫任羣閱

海嶽羅座間一笑竭春甕

晚步菜畦作

流坎昧前算祇役寄邊壤俗儉寡紛牒警散釋奔鞅巍  
嶻旣芊綿崩沙亦虛朗遊鴻發哀思夜援荅清響偶值  
鉀鐸間一縱濠濮想圓景媚平疇霽靄潤積莽植援觀  
錢鏘薄祿藉所養護蘇茂嘉辰葱蒨映疎幌欲從躬耕  
士已休韶歲往無競物自親屢空道彌廣故土有餘適  
晚興待擊榜

故代邨養魚池

積日困簿領羈志不可展僕夫告流泉澹沲得所遣拂  
巨越重闌亭午下蒼巘原隰理自殊蒲稗類堪剪黯黯  
巖際翻習習沙上泣風微浴鷺跼日照潛鱗辨枯壤資  
灌溉匪止富遊衍聿嗟臺觀平漸覺陂塘淺弱竿辭舊  
釣行帳就新宴興替與時往景色因人善鳴弦野飯足  
疊鼓歸轍踐在治迫多務水嬉戒沈湎

資耀寰入秦托其搨寄碑本

長安帝王都陵谷氣磅礴中經銅馬亂浩穰喜如昨沙  
苑富駟駮近塞貢狐貉綰轂楚蜀交浮渭出宛洛其俗  
好用壯未必耽寂寞曾餘蝓蚪字星散耀城郭下迨建  
武還牆壁等參錯墨痕流四裔珠玉貫鋒鏑顧生東吳  
英顧人徒步歷萬壑含涕向我言秦碑慎勿索日來官長  
輩舉此代酬酢梯厓或沈淵驅民就募拓誰爲博雅儒

強誦金石略勢同宰叵求僻愧揚修摸檄取動百軸奔  
波廢井鑿伺間力陪仆詭稱舊剝落按牒十存五去蠹  
民所樂吾聞斯言悲吏道實剗薄嗜欲苟生心觸事成  
酷虐豈謂烟楮微鉅患寄歡謔自傷年運徂雙腕益瘦  
削累世蓄縑細虹月滿飛閣野處迫殷憂斥賣充杯勺  
菁華旣云亡聊復問糟粕愚言干請書狡獪誓不作元  
亮賦止酒俸錢猶在橐善本購國工我友重然諾提鞭  
灑漣涯肯爲險遠却搜討遍深蕪健捷喻猱攫螭首共  
龜跌尺寸手自度潤以駱駝油載之錦繡幕端歸戒淹  
滯歲寒有芳約西望不可窮臨遊義無怍

雲州八月十五日夜月

曹協堂詩集卷第六

八

美酒盈玉樽良夜多清光迢迢四千里銀漢空相望親  
友各安居我獨征衣裳列星間繁露邊馬盡成行慘慘  
氣候變華葉以萎黃柳無後凋譽徒用增離傷皓魄且  
圓缺萬事安可常哀笛起中座自作孤鴻翔羽翮橫四  
海豈若歸故鄉壯夫矜暮節勵志懷馨香

池上行

故人久離別一歲無音書黃河自西來水急多鯉魚誰  
能生致之入我池中居四隅啜青藻春序揚芳藻雖無  
大川樂網罟日以除餘風盪澄瀾文石如周廬物生貴  
適性形制猶趨趨我欲決此水江海恣所得旋舊鄉  
井親契良不疎

藝葦

凜凜北風涼悠悠沙路廣栖栖遠遊子子五湖長秣  
馬出修塗帶劍歷邊壤盛夏布重陰已歎膏露往獲黍  
味逢年榮落類反掌聊欲藉平臯縱志濠梁上翠葉敷  
弱莖窈窕不可強若有佩珠人含睇弄兩槳長吟秋水  
中因之發真想

錫鬯遠訪雲中贈詩三首

昔我登羅浮靈雲翼飛軒炎光扇四序睚睚神芝顏有  
美儼相從盛作遊覽言芳蘭麗重墀列植皆翩翩洗爵  
命清醕膾鯉出丹淵選日駕輕檝跌蕩珠江前矢口吐  
嘉藻衆賓稱我賢聿來鴈門栖轉瞬八九年寒燠旣殊  
軌苦志何由宣燦燦金張徒凌忽若浮煙賴有同心士  
風雨仍勿愆樂莫故交樂遂賦明月篇

靜陽堂詩集卷第六

九

月出照城闐兵甲何洋洋連山萬餘里綿亘不可詳列  
營慘清角羽燾隨風翔束芻徵近郊飛馭蔚千行獵火  
耀繁星毳服禦晨霜章甫謬司憲飭躬戒無荒蓬管閉  
重闔民俗偕吉康方厓索處憂之子凌大江弗効兒女  
仁忼慨溢中腸曠觀幽與并回睇思故鄉旦夕事遊燕  
孤抱成匹雙何意塵土區逍遙奉圭璋

圭璋慎中缺龜勉循昔經暫當展清暉釋憤於邊庭深  
雪蔽層阪修柏含青英匡世羨高度緇塵詎能櫻短褐  
濟三冬園葵待晨烹曲房剪茅茨靜見遊鴻征文籍遠

四座持酒欣共傾開懷玩流景哀樂全其貞悠悠道路  
間乃得親友生恒嶽有磐石足以喻精誠環顧王化周  
冀方息交兵卷組及良時無爲耽令名

雲州十月十四日夜對月

旋飈轉飛蓋輕輶抗流鈴絕域新華館宿火畱青熒幼  
好黃老書期會常寡營寒威下庭樹皓質猶未盈仙人  
飄翠袖海嶠開雕甍高闕在何許觸物相晦明玉毫間  
五色婉孌如有情夜半城上烏啁啾不遑寧自擇所棲  
枝儔侶還合并奚然獨離居臥聽砧杵鳴關山非可越  
遠望勞其生

十五日夜月同錫鬯作

靜惕堂詩集卷第六

十

玉塞啓寒序振袂揚濁泥廣除無綠草烏獸爭鳴淒誰  
云忘憂易勝事與我睽布席進佳友解帶方共攜旨酒  
久不御今夕良所希四壁粲金釭朱絃臨風揮燔兔列  
宴豆遠俗聊相諧短晷豈足樂寸心生徘徊凝佇待圓  
魄浮雲劃然開清光苟無缺衆星常因依下視徹纖毫  
傷彼關隴微薄遊踰一年孤客慚奮飛

十六日夜月陳直方過集因懷素菴

我友適東國矯若青雲端桂樹鬱娑娑可望不可攀魚  
腹嗣音徽宛轉達我前春秋雖屢更瑤光亘長天冉冉  
去人遠流眇而不言坐失三五期相勸畱盛年蟾兔有  
時昃一輪固常圓滿酌起相對歷歷追舊歡公子抱清

瑟自作孤鳳彈遊思入微逸忠信義所安無謂韶景促  
陽春繼嚴寒鑒此下土心義馭當來還

十七日夜月

瘠穡行北陸廣野招疾風衰顏背鄉井百憂集微躬餐  
冰衣狐貉所值皆不同惟有中天月含暉意靡窮婉孌  
周數夕將虧復豐融彷彿臨清池逸響奮疎桐良會辭  
我去途路難爲工悲吟竟誰酬疊鼓來廢宮啓戶一杼  
眺故物如轉蓬智人蓄千慮俯仰悟虛冲大運等自然  
安能怨蒼穹

贈周月如

周生蘭芷賓塵垢豈能入卷組一翱翔茅宇寄江邑篆

學挺秦灰彷彿碑尚濕萬象佐形模龍蛇爭澱澱考古  
興未闌踰井得深汲顧陸有餘徽舍幽晚更及下逮禽  
魚細義肯遺采葺毫窮開滄森意到割險澀舉世規目  
睫貞德昧所執六藝已云亡膺仕但驚急偉哉山水間  
情好方獨立巨羅時在把落月漾行笈易視恒代遙懣  
然巾車集側笠隋層水歌聲振荒隰何令戎馬鄉清風  
倏未襲察我歸志萌百端慰維繫默記倦圃圖跪起翻  
墨汁巨竹約千挺喬松分伍粒壘砌接雲根崩沙出石  
級君亦訪我來顧我俯而揖吳里近收兵蝦菜聊自給  
老驥願辭閑候蟲真待蟄况復素心人文史共安輯展  
圖佳趣發無爲助鳴吧

遊柏林寺李克用影堂在焉

關南望雄氣藪木類高崗壘土百餘尺殘碑復荒唐吁  
嗟奮義時戈甲騰精光回颺掃三輔強寇皆走藏勢謝  
漆燈枯運集羶裘芳豪傑亦何爲造物徒茫茫朽骨生  
青苔孰辨侯與王琉璃塌爲井石獸臥空墻遊髡四五  
輩破衲參差長待客但若飲話舊偏周詳日昃上馬還  
歎息盈中腸

遊雲岡寺

釋氛理時服頓轡西郊陰荒陬非樂邦得友諧所欽猛  
志惜暇日獨居多傷心選徒越農圃敷席蔭飛岑歡宴  
不知疲昃景招鳴禽反顧丹甍高諸天布黃金鑿石象

祇園雙樹垂清森寧意甲馬場黯黯孤壑深奔湍吹白  
沙迫冬仍浸淫徐悟區中監率性惟幽尋行帳因風翻  
長笛和哀吟三復河清篇覆爵還自斟

靜陽堂詩集卷第六

靜惕堂詩集卷第七

樵李曹 溶秋岳著

五言古六

葡萄煎

梨花擅若下竹葉出宣城玉膏千日曝金波九醞清未  
若呈新制安邑得嘉名馬乳瓊漿澁龍鬚麴母輕色同  
鞞鞞紫光流琥珀明銀甕乘秋熟珠槽壓露成迢遞傳  
魚海瑰珍入鳳京貴客方高讌持許待鳴箏

懷右吉

代馬迅流星歷塊織塵起掩抑呼王良御我返鄉里里  
有堅白人茹蕨西山趾飄忽非所希久要信云美累歲

靜惕堂詩集卷第七

一

隔音微白哲定相似窗前巖桂叢秋來幾合藥成文滿  
縹緲一一踏先軌野處足延年恬澹福攸止征夫束嚴  
程歌聲出虎兕殘冬浴層冰涕落自茲始左手抑栖鴻  
在右閱鞭弭環邊多蒺藜四顧慎衣履陋室障旁風長  
物獨石几稚子怨朝饑折葵飽斯已漂流乖夙諾萬態  
付波靡遠眺黯然深裁書授魴鱉

客從白門來得令昭于皇近信寄懷二首

列弁讓蘭茝當風布芬芳麗藻不恆有屯運多摧藏袁  
生擅逸思變雅爲雕章手自握翠羽咳唾成官商荒淫  
感人心勸誠理則長懼會破幽默質衣羅朋觴今年七  
十餘矯舉鍾山陽酣暢如童嬰我屬徒悲涼尚憶廣陵

城彈暮夜未央泛舟采紅蕖錦席侈高張羈踪限南北  
江流望湯湯安得諧素期並坐還鼓簧近映珠玉輝拂  
拭塵土賜昭令

杜子困幽岵發音爲鐘球耿耿越俗姿亂日熒然畱抱  
此徑寸珍衣食翻相尤索居秦淮畔不繫如虛舟芳露  
愧霑濡四時皆窮秋天意豈獨薄文成自難售傍人生  
怨嗟處之更優游調笑古賢達跼躅無風流公卿間延  
致酒炙相啗啾高坐飄所作曾未迴清眸舉步得齟齬  
感召誠有絲別來五六霜狂態聞諸侯慎爾將素絲克  
終勵嘉猷于皇

同春亭雜詩十首

靜惕堂詩集卷第七

二

北臨陰山垂孤隼栖白榆秋期隨深雪久客無完襦列  
燭耀閒房鐵戟陳座隅出遊寡佳地鬱鬱心多愚日月  
喻旋輪四時爲我拘誓當盛冠飾驄馬以歡愉後車載  
美女纖手吹笙竽椎牛饗壯士一飲傾百壺寧當橫天  
翻勿爲牆上趨

茗華漫凌丘烈風告我寒永坐做瑤席沈沈思故懽窮  
達會有方戚緒來無端駕車適長坂登高望燕韓中多  
金張徒盛勢不可干積譽等山嶽結友傾肺肝一旦生  
乖離按劍還相看悠悠千載內同心良甚難素琴徐自  
張越俗歌考槃

有客來西秦貽以合歡筭天雞發朱光芝英繞其下逸

思蔚雲興清芬等波瀉伊我習行旃離居越春夏凌晨  
簡士卒向夕問車馬盛顏慄中衰對酒不能把愧客殷  
勤懷此誼敦者寡倚徙步前楹忘憂聊自寫

寂歷解煩務愛此池上宅藝菊徒兩畦攬之不盈尺韉  
韉凌霜霏遲暮殊可惜采擷置何所故園邈難適君子  
履周行處悴不云迫毀譽任紛張狗物究無益違彼商  
山翁長飢臥磐石亦有杜陵子高視薄酒炙感慨非無  
因荏苒十年積大義不可隳正則方自憚

彗宿出中夕兩日摩虞淵占人告愆常舉國修精度救  
變在循實忘世者非賢忝居生民秀乃靳尺寸權文案  
促神慮六翮何由騫混跡戎行畔射獵時控弦五原良  
要害太行臨其前函牛有大鼎孰令羞豚肩隋珠耀殊  
光魚目猶爭懸窮居見平生自古良復然

綿絲山上草鬱鬱山中道嗷嗷左籍人岌岌事搜討浮  
琴雖唾棄抱壁自云好束身斷投謁淒淒願終老嗤彼  
陵陽侯辱我連城寶良璞敗雕鑄志士賤輕狡所以魯  
宣尼敬德貴潛考

列山圍廣塞高樓凌雲間竿頭鐵鷁子其勢如飛騫道  
遠何由征振翮復中還貧士不可居采稻於隰田土室  
熾微温漫漫窮歲年是何遊冶兒挾矢來擊鮮容色耀  
朝華處盛易稱妍我欲前致詞告以善自全嚴霜方裂  
膚無為樂翮翻

昊天高莫極，氓庶不自謀。遐方告鬱隆，莫測所致由。徒聞比屋徙，麻麥無一收。大臣伏闕下，歲澤貴旁周。遂出內府金，至德垂千秋。父老遮道泣，我屬今無憂。自從被寇來，荆杞充田疇。荷擔且歸去，白骨爲少畱。但念所鬻兒，迢迢隔山丘。酸風西北來，清淚淹兩眸。

朔土厚千尋，桑乾清可濟。在物本無情，冉冉閱興替。上山采瑯玕，俄頃白日翳。千載互奢求，達人多自蔽。謁我浮丘公，壯盛或能繼。乘雲乖羽翼，玉京遠無際。橫覽今昔途，徘徊一流涕。

昆邪徙近塞，驅馬來長安。乘障罷虎旅，故壘勿復完。狐貉遊市中，采之良禦寒。氣類默相感，積雪沒旌竿。竭來忽三歲，有觸窮其端。初連爲北界，黑嶂纍纍盤。其渠通內郡，水勢悠然寬。耰鋤以時集，高下皆可觀。小人庶學稼，就列辭素餐。

憫荒五首

雲西鄰巨漠，列壁多鬪爭。美化漸近濡，枹鼓息不鳴。黎民脫鋒刃，亢陽乃交并。禾田盡槁死，陰井以塵生。本作終歲圖，半途卒無成。出門復入門，軀命何其輕。誰提數升穀，活我懷中嬰。溝壑則已矣，寸心不遑寧。上憂公賦，虧長吏難爲情。

平旦策我馬，駕言上高岑。道逢七十翁，欲泣喉無音。少婦嫁遠方，補綴力所任。丁男百遺一，散處如驚禽。各欲

活須臾無復家室心老翁念鄉井長此歲月深尚欲備  
追呼稅帖懷至今我聞斯語悲積儲古有箴邊屯當急  
圖無爲貴黃金

寇禍烈茲土舉目無故觀百里一空城蓬蒿鬱相蟠村  
墟土中出兩肘肉正乾生長不識布石炭遮我寒匍匐  
向前途力盡酸肺肝苦菜萌已晚采之不能餐撤屋備  
朝薪露處難久安邊境旣流離內地何由完 宸聰聽  
還卑討論窮衆端減賦息長徭萬方用騰懽

陽鳥向南飛舉族謀稻梁赤子獨何辜力田蒙其殃義  
不顧羊馬胥芻以爲糧呼聲溢天地官家盛開倉汲水  
煮作糜粒粒撐枯腸一飽反致疴民命不可長白骨堆

草中夜半嗥豺狼紆組當此時灑涕還傍徨并日飯藜  
藿弭災戒無荒

遊民輕去鄉擔釜臥溝側未知何方好奔走昧南北無  
乃吏政苛聊欲避所逼持檄疾招來計口給汝食誠恐  
失初心展轉成盜賊踉蹌返前村日影正曛黑面目半  
已改父子不相識勸汝秉鋤犁隴上藝黍稷婦女勿嬌  
惰輒輒當戶織壯者習彎弓努力衛邦國人事苟修持  
天道豈終極

### 送李研齋遊太原

李公奮西南涉蹟神不移側力控龍蛇猛銳莫可羈悠  
悠盼蒼天密抱存所思蟄久還怒張守中溷雄雌攝衣

上駉馱自吳屈燕陲告我復前邁言登太行陂瞻望古  
都邑庶得舒華韃晉陽賢主人良會寧苦疲四隅攪輸  
席壽客黃金卮情極轉哀生自惜凌塵姿銅池墜清業  
珠闕無履綦東流旣滔滔駒隙疇能追萬事等遊觀行  
矣慎勿疑

贈李大生二首

咸陽奕名區細緼鍾俊民左挹太華顛右挾黃河濱寂  
寥帝王宅繼盛惟斯文淑芳六藝圃抗思齊鳳麟昨我  
跨馬來升堂坐華茵金罍共旨酒哀奏縱橫陳極論詎  
云疲幾欲凌高旻三載混儕俗眯目依氛塵何期鄙薄  
軀邂逅承雕輪傾心訂終始略跡要其真煌煌燭龍輝  
幽習初見伸同心良不易作者多苦辛

綿山帶洪畿歲久生飛蓬霜霧互縈紆沈憂出其中我  
欲溯層崖戾止于代宮佳人擅瑤華皓質流長風清姿  
逸難托躅躅悲微躬壯盛一去人離思以終窮忽感瓊  
琚音琅琅開國工芙蓉妙天然組繡不敢蒙鄭重入懷  
袖在野傷愚衷邊州困兵刃三農方告凶弭灾昧良術  
夜半聞哀鴻曳組有餘慚伐檀時自訟竚仰藥石規相  
翼扶罷癯

得寧人書寄漢唐碑刻至

圭璋席上珍不樂處幽翳東遊陟梁父西與流沙際稽  
古見斯人曠野獨揮涕不逢故所懼安救齒髮敝矚靈

感推遷長繩莫能繫跌蕩車馬間史遷有遺制臨文助  
英雄考索表孤寄知我嗜琳琅窮搜到遙裔濟上剝荒  
苔孔林出深瘞龍蛇燦盈箱僕夫走迢遞重令齊魯邦  
菁華冠六藝斯篆儼雲虬扁刻或如蠟誰云野火焚想  
像猝難繼巍巍上聖傍神妍亦相儷末技苟成名足以  
壽千世况秉大道區絢等日星麗及時當努力撰述紹  
微系君子相勗勤金石有潛契

答陸義山中翰

聖世重文采被褐鏘金聲揚馬方遇時直盧在承明黃  
扉連左掖翔步下西清寶冊發蘭藻爰值嘉禮成芝蓋  
樹椒宮析羽羅交旌獻壽上玉除天樂吹鳳笙侍臣獨  
蒙恩班賞當彤廷珥筆有修晷遙望還攄情不惜錦繡  
段遣使來邊城藹藹骨肉言素好誰能輕膠漆喻貞固  
圭璧同光瑩寸心苟不踰何啻相合并

遙題王無異獨鶴亭

達人無卑栖所好必橫鶩雲霄一相感近玩豈能錮廣  
庭出神姿冷冷傲煙霧飲以金屑泉披翻終南路鳴聲  
徹中宵餘輝動階阼青田愧凡胎華表振仙羽俛仰心  
內傷曰有儔侶慕衆鳥不堪匹寧爲耿介誤伊余困樊  
籠緬想凌空步相越千里疆淋漓見情素

雲中大饑懷仁諸生于懷漢出家穀千石助賑旣

訖事詩以美之

關外多石田五穀半不生七月飄嚴霜藝藝難滿籬遺  
民性情窳作苦終無成其初習邊俗逐堡屯戰兵年甫  
十六七便出充壯丁坐糜官家糧狼戾嬉童嬰天運捷  
環轉効順來王庭隘口貢騏驥戎備循其名尺籍十存  
一餉額無餘羸飽食不常得農田始枝撐要術付鹵莽  
錢鏹辭堅精季秋未殺草膏用徒星星雨暘順四序隴  
畝咸滋萌疾力上公賦入口猶悲惇厄當龍蛇歲驕陽  
大流行赤土裂千里旋風捲空城暑退忽淋漓淫潦不  
復晴漫山衝白沙石壓嘉苗莖泛泛宿水中動側如浮  
萍二事實傷稼爛水尤涕零旱日種不入可待明年耕  
今茲將吐穗并令牛種傾野哭連朝昏一兒換杯羹市

絕升斗粟駟僧畱虛評倉儲雖有禁矯發甘官刑聊沒  
勺水微沃彼狂燎橫偏方愧持節瘰癧憂正怵怵義士奮  
山中不遑振冠纓長跪迫致詞願達憐憫情灾屯喻剝  
膚蓄積良甚輕問士獨何爲里黨我父兄父兄饑欲死  
微軀敢自寧縣令坐堂上義士立前楹盡出室所有菽  
麥梁稻秬大村持橐來小村提甕罍平明至曛黑次第  
亦不爭各自歸土窟晚爨烟青熒全活累百族鬻子爲  
暫停義士心懽愉從此安柴荆琅琅誦詩書蹇盡還致  
亨更祝蒼旻高露澤私邊氓螟螣深入地蜡飲烹牢牲  
長吏職撫字桑乾揚潔清芳譽播京邑峻擢公與卿雲  
州歌樂土爲善宜亟旌我感義士心表幽古有經列狀

上史代庶使未俗驚再拜執謙讓本不圖光榮輸財博  
干進辱身同劓黥三晉有斯人陳風記昇平

出都雷別孫北海

京國多偉觀鐘石夾兩廂大臣前致詞小臣奉瑤觴事  
畢乃遄征何暇耽清狂殷殷親戚心剪此燈燭光青藤  
冒書屋古物開琳琅素醴發幽思欸曲不可當我非兒  
女情道左方激昂城隅望邊候毳帳依高崗駑馬慘不  
前四蹄被嚴霜日月不恒居何以抒中腸

昌平道中

松林何鬱鬱猛獸嗥山椒仙人駕白龍侍女來吹簫巨  
石琢衛士介冑猶在腰宮監乍有無爐香下重霄靈風

恍惚至金燈橫翠旄玉枕闕不出鳧栖中宵日月徑  
萬里卒復歸飄飄大運使之然自古不得驕我思安可  
極夢寐聞虞韶知是昔所經拜舞同百僚違山尚十里  
絳氣如奔潮春臯藹長碧流芬淡塵歎來者競沈吟孰  
能驟征軺

題成文穆公素菴圖卷

瑞圖興上宰神靖勳彌顯在物驗欣欣躬蹈蹇蹇潛  
節埒素絲純美信玉鉉寵利勿終居貞吉良自踐釋勞  
遂頤志保退戒懷宴就隙拓仁宇迫允導修獻律因暄  
徑移景逐陰厓辨前榮列椅桐別館富墳典巢鷖晚既  
馴壁蘿近可攀石秀不假龔茅弱豈堪剪儻然蜚遜栖

詎曰遊息選微生愧後期佳蹟賴一展遐哉同德初懷  
賢淚方法

前卷甚服其整以爲得選之深然未敢輒許爲漢詩  
意亦坐此蓋選體有二晉宋以還與二京黃初異矣  
此卷則如羚羊罽角無跡可求而渾金璞玉太羹元  
酒之風未嘗不存乎其間氣候已到欲不目之爲漢  
豈可得哉宗周後學李因篤敬題

靜惕堂詩集卷第七

靜惕堂詩集卷第七

靜惕堂詩集卷第八

樵李曹 溶秋岳著

五言古七

同徐松之李秋森遊朱葵石鶴洲別業

少日好奇秉滔蕩世所殊羲和無停輪惜哉時已徂絺  
綌而禦冬狐貉不克俱戚戚鮮憂豫友至使我娛離析  
五六載旣見寧更疎方舟揚廣澤居彼城南居霜林灼  
丹葩危軒冒清渠噉噉陽鳥羣辭高集萑蒲盛遊難再  
覲鄉井亦異初止此芳林端足以結相於臨流蔭文席  
急景迴路隅觴爵僅充口托意恒有餘冀展葵藿勤入  
海求明珠飛藻一相宣何啻凌五都

貞女篇

有序

靜惕堂詩集卷第八

一

李氏女終身不字執爨養其父年四十七以卒陳如  
崗先生爲作貞女傳或曰是孝也非貞夫孝無間於  
適人而不嫁爲奇節我從陳先生言

林林樵李城地錯三吳中土厚水源潔禾隴無疾風長  
老秉遺訓編戶多顛蒙美哉閨中女禮教羅其躬在襍  
奪慈氏哭踊如成童老父溺文墨蹠步來儒宮半畝劣  
庇身瓦釜栖寒蟲烟火以斷絕幼稚啼門東女有丈夫  
節願爲門戶雄夜起汲井水城頭鼓鼙入厨辦中饋  
醢醬猶屢空力作備浣濯蠶織無休功夫婦倫之大人  
道繇此崇女年十八餘媒氏勿復通時當仲春月婚嫁

何懂懂東鄰富家子合樂鳴絲桐夫婿美少年端坐映  
房櫳里知孝女賢羔鴈來獨豐女志誓不移惡聞膏沐  
工深藏貧家屋侍奉方冲融肯釋高堂權出事他人翁  
永謝連理枝子影輝青銅日月告于邁旋轉如飛蓬昔  
爲三春花今爲秋草蕪顏色有時衰孝養無時終其父  
得此文旣耄畱方瞳聖人馭天紀仁澤霑幼冲在內化  
淫慝曾不待磨礱其道或隕墜郊野生戰攻鄙人作此  
詩義等瞍與矇竒行古所敦恨未聞四聰

壽金貞婦

明庚夾寶婺瑞靄凌絳霄吳西有人宗冰雪栖金翹衣  
襦悴靡存淚血摩昏朝竭志於孤雛剗肉使骨銷愛至  
督苦深翼成揚令標持以報所天泉土無鬱陶荼顏歷  
五紀其德寧可恍哉哉彤管姿百福生飄搖子婦拜堂  
下玉爵靜勿囂我欲傳貞母此義何寂寥臣節等閨範  
板蕩須後凋敬爲頽俗規奮筆先長謠

壽毛節婦

我里富家則韡韡閨中名束身事君子密霰凋春榮蘭  
缸黯相照瑤瑟無和聲何以報所事令德耀珠英誠至  
物不違高譽騰漢京旦啓堂上觴親賓滿前楹鼎實進  
甘藪禮服以時成聖世有餘化內教先絜清綿綿歲月  
長迥首思平生在戚貴終皎爲歡亦辭盈陳詩告采風  
苦節良可貞

與園次上虎丘歷等慈閣而還

出郭有前諾，褰袂忘朝盟。蘭柵泝和風，擊汰追所玩。解帶徬徵士，聞嘯羨中散。薄遊未亭午，往路已及半。云云山氣集，冉冉春物變。綠萼綠重岡，丹鶴起遙漢。激流無濁瀾，幽術介芳岸。遂達賞心際，妙語莫能讚。宴豆恥無餘，壺矢競多算。陟巍踰霄蟠，探寂匪川渙。原隰盡一瞬，通隘劇相判。抗慮剪卑棲，深詣顯澄觀。我生奚不淑，積日邁方瘡。衰方憚微車，幼習困操縵。拊迹雖屢睽，省愆冀終遣。獨寤演衛謠，蜚遯契周象。嘉侶諒均懷，聊許薦篇翰。

哭龔芝麓宗伯

靜惕堂詩集卷第八

三

上林多疾風，季秋凜霜素。造物一何愚，躋此哲人步。神姿赴幽壑，六藝盡寒洎。末俗失津梁，濶濁誰與度。金石難駐顏，况茲匡世務。直往不愛身，翻爲感知誤。君恩誠自殊，賜歸亦不暮。淮右美山谷，足令歲月固。佳辰進卮酒，行樂生左顧。蕩蕩王塗開，奈何適泉路。白旒遠飄揚，真宰不可訴。追念同朝歡，經時感良晤。尺書猶在掌，萬事俄已故。不獨契好孤，流涕滿功祚。灝氣徹丹霄，有目皆所覩。敬告執簡臣，鴻名豈朝露。

金長真邀集署中

麗譙枕崇阜，華棖瞰虛郭。主人出巖廊，奮迅事丹雘。江介倚無虞，矯矯生民略。揮霍謝繁氛，逸晷修暮酌。嘉儔

來四方角藝志所樂勉策蹇鈍才弱翰欣自託文茵登  
廣除合沓騰羽爵豔曲競悠揚鏡鼓亦間作咏歎不知  
勞歛使明星落蘭彩映重幃乘時吐朱萼芳齡激顏思  
雅道庶照灼此會誠獨勝輝光遍丘壑

康山讌集

驅車逼曦景屆我城南端平阪不足娛丹丘歷百盤修  
木拂佳蔭遊翼飛軒敷席臨前榮顧盼多奇觀文石  
周四隅睇若芙蓉鮮再拜酌甘醴莫樂君子筵愛重意  
有餘炳燭延所歡蘭枝非獨馥大義貴相宣玉藻旣紛  
陳感慨時一言誰能靜驚颺復覩河清年

讌汪蛟門宅

靜惕堂詩集卷第八

四

積雨灑飛閣崇柯覆平渠中有六藝圃息勞來端居好  
客數授簡選日飭芳厨列坐盡俊英照耀東南墟高言  
羅羣葩寒序成敷愉美義一再酬愚衷竭無餘竹帛垂  
令名骭麟世所須日月等流波驚馬不可驅但願得旨  
酒宴樂時相俱

金華北山

晴晦鮮定姿忽屆楔飲節晨興命輿徒游事在果決初  
程閱村墟危梁兼數折磐石仰奔泉萬古濺青雪樟木  
大十圍濃蔭喜駢列族居千指餘先矩少利缺委蛇穿  
隘口翻使耳目熱坎坎鑿山骨煨燼飄玉屑利用滋瘠  
壤塗墍尤所切以茲雖受殘山性自欣悅道書編洞府

羽佩鳴不歇羊鹿爭効靈詭惟資采掇旅次一迴翔遽  
與塵趣別

劉孝標講堂

故蹟各有名暄辰綠初應身經十八曲始覺衆山靜道  
無飲馬卒溪光瑩如鏡石理妙涵虛絕頂獲途徑百仞  
竅天門玉乳密相銜盛夏必凄其况指蒼龍柄慄慄難  
久畱凡質畏陰潭文彥昔謀居福地副游泳官闕不配  
德簡介謝歷聘六籍召生徒浮譽亦云病山中有神龍  
淵潛得其正

雙龍洞

疊巘寂無華松罅布微路梯空懸一綫躅我林下步人  
煙迎面起飛鼠時一遇青霄呀然開陽暉透密戶廣足  
陳千筵俯罩雜烟霧穴底并真液漩渦見霏素越洞止  
尋丈瀑花炯不暮雷霆歲喧喧百里猶震怖相傳溯深  
源佳處惜中錮篝火炳潛宮竹舫臥可渡初遊實倉卒  
濟勝未能具極睇申秋期金膏覲終晤

鹿田

削翠與天齊峻壁不可上度壑本幽窟境盡更凄曠鱗  
鱗荒竹中伏石駭如浪古藓攢積鐵黝黑非一狀至人  
融彼我會合妙無象野鹿佐耕耘傳語或近詭亭午憩  
廢寺紺碧相簸莎須臾鼓噫氣虛牝皆用壯白雨撼殿  
瓦濕雲等溟漲崖空聚衆聲飛瀑到行帳清極自無寐

展轉至雞唱陽燄何足榮浩志畢斯囑

智者寺

達磨未中土梁武非英姿江左重名相智者稱國師當時問法秘繼代誰能知婺州有蘭若陳迹乃在茲我聞澡德人五濁如琉璃美義燦然發舉手生玉芝外物總寓言挈餅恒致疑客栖偶興到涉水循荒陂疎鐘引芒屨力敝神獨怡堂中放翁札檻花助紛披賓榻暎新篁巖溜歸清池猝令北山勝充此文室私城郭雖萬家不如一名緇覽古至日昃擺脫多所宜

芙蓉菴

嶺勢從北來虎踞遶城後將窮反星散變幻莫推究和

靜惕堂詩集卷第八

六

風尚熹微已觀小麥秀昨驚滲漉繁平岡出新漱喬柯立千章虬孳宛相鬪寒衣息川隅閒共春影皺僧房隱復現茸綠綠辨孤竇仙茶始開園谷飲令人瘦擬投匡牀宿鳥語悞青晝

欲遊赤松宮畏雨而止

夙昔慕神舉皓首傷廢學玉女不我攜積慮困卑濁丹臺近盈眸將往限澆滯徑寸且迷津奚以凌五嶽緬思煉藥翁去俗有真樂春雨澤羣羝黑質礪雙角萬類同一家情來歸至樸靈飈吹素襟瑤草紛在握造化貴雷餘此理孰先覺

食苦蕒作

崇山環發郭其下凝爲瀦三農勤播穀閒月無嘉蔬吾  
衰迫捨攘宜與祿食疎凌晨課小豎提筐迹幽墟時雨  
潤玉甲青翠良以舒誰云似茶苦細嚼甘有餘近或入  
市賣貴賤無常居許爾佐朝夕伏匿思其初永免鼎鶩  
膾鹽醯略相胥一飽且捫腹可用求清虛烈臣必批鱗  
諍士還牽裾比義旣陳稱脂韋辭不如

客有誚金華漿酸者戲爲解朝

蘭釀走都下羣肆皆退聽浮杯琥珀色柔甘得真性側  
聞承平秋美與詩奕並山寇近彼猖勦撫難預定歲改  
未移營竭蹶事供應土俗本細微名熾乃爲病檄取或  
數十瓶缶在所罄林田多歉收村酤亦云剩攬齒近吳

醴量水乖律令張筵恣酣呼小物係民命陶公止自怡  
於道兩無競矧當兵動天節飲庶相稱君看閩嶠清歡  
伯報新政江側更停帆醉歌松月靜

神廟中長安士大夫以奕  
基請杜詩飲金華酒爲三

樂事

過戴高士墓

有序

戴康侯善畫終身不娶孤潔自喜吾郡高士崇正已  
卯年六十五無疾而逝朱葵石爲之葬於放鶴洲旁

探梅鶴洲旁但見高士擲舉頭訪逸事回頭應無錯主

人向我言戴生耽丘壑少小善丹青讀書天籟閣

康侯幼  
讀書於

項氏天  
籟閣

日玩古畫圖雲烟彌開拓深得倪迂神晚愛鴛渚

泊舟居仍陸處入山思采藥盡出舊時製五日十日作

金焦鴈蕩間解衣自盤礴七影繪破窗半硯充布囊終  
身不娶婦妻梅子是鶴誰知南湖叟有與君復若試川  
片石碣用以表孤格魂返鶴飛來魂去梅花落

放鶴洲主人出觀惠

侯高士所畫金焦北固長卷鴈蕩山卷放鶴洲  
圖破窗七影冊半硯齋圖余擬作墓碣表之

### 秦節婦詩

閩南有孤柏其性貞且良托根玉臺隈巢中生鳳凰大  
命猝飄搖履霜於曲房一心事主婦何異姑與璋嚙指  
誓不移既老而更莊教雛能翻飛十五好文章詩書忍  
終棄脫簪用彷徨柔絲折強暴自謂職所當完身赴重  
泉報德君子傍美璧尚無瑕枯蘭獨馨香鳳飛自京邑  
結客周四方兩淚如晨夕再拜求琳琅風靡成板蕩臣  
節乖天常安得巾幗貽皎皎爲世防

靜陽堂詩集卷第八

八

### 望江郎山

陸行踰百里嵐彩炯不歇猝邁靈石竒勢聳抗叢樾造  
物厭尋常作意寫突兀培空劃三峰裂翠峙雙闕平踞  
宛排衙序列猶搢笏層疊漏風雲虛深嵌日月我來秋  
宇零惻惻苔徑滑欲果攀陟興新懦漸布襪低回難竟  
去討古得斷碣流矢貫祠門傍有枯馬骨目覩輪輓繁  
六軍正撻伐仰悲峭蒓中石路誰采蕨勞筋雖告疲遐  
賞賴未竭崎嶇霖霧天凄愴鳥獸窟南境時或窮畱此  
殿全越

### 仙霞關

浙閩共山豁其陽貫重溟無諸兆兵禍接武撓泰清往  
事一彈指烏兔猶流萍雄風激餘懦晚再驅馬行巍阪  
勿遠陟蛇盤互相經疊巘似靡極攀緣轉歎傾上當巖  
設處長戟飄龍纓隘門懸若甕萬墜失縱橫曠遠攝毫  
髮縮穀良必爭愚者珠所寶飛棧皆砥平方其蟻聚時  
志已喪堅城將略鮮神授彤家徇虛名昔爲驃騎場今  
狎枝上鼙祠官萃遊衲跣足眠秋晴鏞鎧障壞壁駁石  
支香罍僕夫怨修途弛擔話安營感梁迫中來落日聞  
金鉦

下建溪諸灘

辭家違素心薄質困戎輅水宿以圖安涉險豈復怖挂

席繇浦陽連旬潮風霧割嶺置洪潭居卑向誰訴劍戟  
起搏人犀利不可忤偃者類牛馬掉尾飲而顧茹波隨  
瀉之噴沫鼓餘怒吹舟捷若浮長風邪足慕翕忽邁盤  
渦巨噬躡前路揆施屢折旋簸舞慎所措爰悟乘勢巧  
趨避都有故願策陽侯勳縮地使相附將無丘與陵吳  
楚特朝暮惜哉南服殊千里局庭陟僕本振奇子擇友  
及鷗鷺佳遊慰目前一笑失沈痼

道山讌集

嶽外無名山潤色藉圖史我誦南豐文倦轍不忍弛遐  
登肆冲襟褊陋道所恥有勝綴西偏峭拔帶城趾梯空  
非甚峻斜映遠嵐紫隨石亂行列嚙足如鋸齒積水僅

盈掬滴瀝吐餘旨僧徒踏層霄其下臥羊豕舊來興嘯  
地窗隙過金矢曾聞海颶作亭榭一朝圯掃竹布芳樽  
酌飲送逸晷珍錯會星羅談言復清綺茲山新相知結  
結荷君子憩久意交融誓欲奉鞭弭荒煙霧窟流譽  
白今始

遊鼓山

城居積紛糾客緒戀層綠矧茲曦景新挈侶改春服名  
區在東郊咫尺逗林麓奚官跡正稀甲盾怒潛谷臨危  
乃康莊萬級共一幅松栝栝我行冷翠皎如沐但得心  
清涼不覺蛇徑曲舊蹟尚歸然迴感代謝速中涵太古  
光飛來媚幽獨丹扉延薄暝叢桂四時馥馥瓦畏風翻

靜惕堂詩集卷第八

一

壘石鎖其腹緇流澹無爲幾可混麋鹿相許滌塵容狂  
喜且畱宿山蔬忽盈豆真氣炳明燭晨興觀泆泉乍出  
韻琴筑瀦從龍首深盥漱恣所欲磨崖羣勤字徒使苔  
蘚秃沈沈千百載有句竟誰讀仰睇上界高賈勇猶踏  
踰厥勢偶規圓比擬受題目孰與奮雙槌宏音秘金玉  
佛廬等蜂屯鐘梵厭重複木杪見修綆虛牝或架屋唐  
餘開霸人傾國走錢粟寧關峇道要大半覬冥福繇此  
歷傳衣盛衰嘗斷續閒身宜討究故事萃筇竹周覽崔  
嵬端物變任起伏意寄卽鄉邦安取長卜築虺隤世網  
疎斯遊賴無辱

上華林寺後山

粉堞蘊崇岡其隙召禪裔古殿響金鈴短垣出山髻松  
檜咸族居紺綠炯復閉石角挂衣裾凌虛秀扶荔躋攀  
漸窮顛不顧履齒敞仰察光景顏俯見流水逝突使塵  
垢人一旦脫拘係經綸雖際天身世總無蒂靈境還致  
擾萬事難預計鳴弓來健兒一鳥向空殪喧靜順所遭  
此理托深契

坐逢源亭上

閩甸富竒迹大半匿荒嶂我愛指掌間流覽在舉杖良  
幹挺千尋交蔭等屏幃前除闢天倪南嶺塞四望盤製  
謝丹雘林野儼交抗碧泓起微茫伏竇倏用壯濺玉與  
漱珠入目窮善狀傾寫或自然鱗介當引吭巨耐折成

靜陽堂詩集卷第八

十一

方階礎狎相傍如彼百世士禮法束骯髒我觀山海圖  
位置待哲匠今此一勺寬未卜誰所創油油坐忘疲瞬  
息療疎放

婁邑丞施則威轉餉來閩以史測質我於其還作  
詩送之

五茸有李生閎迹耕且讀勤拳說廉吏居卑斥愚濁聽  
之未始忘瑤草默在握十年求智人驅馬遍河嶽造物  
吝精華生才漸踳駁詞章競爛熳不過資飲啄如君不  
易遣與世異頭角灼灼洪鑪中清泉忽來濯疾讀澗水  
編欲代良史斲泥塗亦云疲日月常苦數我見順時者  
高步贊帷幄其次効疆場披裘舞長稍下位難爲工努

力慎謠詠

送孫宇台之福州

鼓山高入雲中有貞松枝奕奕盛文彩不隨朝露萎交  
友貴嫵妮百歲爲我期衣馬盛結束來告將遠離堂上  
置樽酒堂下彈清絲絲音豈不悲白日向崦嵫會須激  
烈去滿飲十數卮閩地一彈丸茫茫若千岐大海溢流  
波極視心不怡客子互相念寒暑當慎之借問何殷勤  
同鄉誠所私

苦賈

往者登北嶽庠隘愧未稱黑壤育貞松五鬣覆天鏡首  
夏尚淒切冰窖礙途徑苦菜獨舍和青芡挺寒竅采擷

靜惕堂詩集卷第八

七

敢告疲實礪齒牙勁茲涖三山隅水族旣繁盛上客進  
瑯盤肥膾茹餘佞朔南雖兩鄉是物有恒性荒世任奢  
取儉者得其正羣營目睫懼難療畢生病野趣滿數莖  
執匕悚而敬飽食謝煩憂灑灑夢飛磴重與神人期遐  
舉發清詠

歸興三首

十旬公府居軍事觀大略列風鄉中吹淚與雲樹落寸  
草絕敷榮春暉并蕭索瀾瀾建谿水萋萋浦陽郭張雷  
旣物化孰能辨霜鏑五兩此中去但去不用泊近賒九  
鯉夢遠負玉華諾馳謝武夷君珠幔閉深閣月團消息  
稀詩骨旦旦削靈裾苟非遐邀我以雙鶴

登車炎候初丹荔匿未見我寧師玉妃故物此一綫晶  
液蘊南枝嘉種貴相薦告熟定何許紅雲爛千片緬憶  
旨酒庭張幕致賓彥果腹溢英華豔女奪珠鈿迢遙還  
故邦千慮付流電柴門閉荒渚長晝語堂燕豈乏美肴  
核習用易成賤拊景乖所期塞默且焚硯

蘭蕙稱國香喬俗棄如草所思遠招攜蓬  
苦不掃溫風順時至立見顏色好顏色亦何爲客路慎相保權家  
貪盛名駑驥同一皂薜蘿塞中達各自滿懷抱靈均挾  
佳匹衣綃飲清藻凌波去不休女巫空致禱良無紉佩  
人躊躇樂終老

上建溪諸灘

靜惕堂詩集卷第八

三

粵馬未全歸八閩儼南塞崩洪方疾趨巨石挫而礙萬  
石爲一灘起伏互禪代疑從太始來屏山觸浪碎忽散  
等飄鳧虛際浴微黛縱逸不可羈參伍寫其態雖有百  
斛舟推剛力相戴噴空千丈雪束之拳曲內水德本善  
柔一怒莫能耐洶洶浩有聲足以激頑憤長年工審勢  
奪氣與之對側戛風雷魂逆摩蛟螭背瞬目爭纖毫旣  
進駭復退艱澀愧利涉巧半事乃倍未覺異登車檣櫓  
皆歷塊寧無居處安盤錯我所愛百鍊終不辭出險荷  
天賚

靜惕堂詩集卷第九

馮李曹 溶秋岳著

五言古

觀駱叔夜所藏古甌

歐公嗜古墨抉剔周四裔永興夙王都刻畫本宏麗時  
豐思備物往往發幽瘞高堂羅鼎樽傍采到纖細卷軸  
塞座隅六一等昆弟漢隸燦龍拏苦乏西京製君家精  
吏術秉德鄙餘藝不受劉寵錢玉雪良自礪獨攜片甌  
歸錦囊裏復繫藉用承博山圓如車輪勢長生未央字  
鋒鍛炯不翳疑是定秦迴締構作深計鄼侯所經營堅  
樸誓無做琅琅波折間蟠屈妙難繼點畫苟推求奚假  
碑碣例爰悟昔淳龐陶人亦通慧小器不妄成式必詔  
來世喟哉兵動天摸金隕雙涕隆準雖淵謀巨闕竟陵  
替鑿戒儼在茲非君孰神契

江氏雙節詩

維皇播人紀哲胃推濟陽厚植無纖柯曄曄洪源長漢  
道十三世洿俗彌四方大義不可居直臣執其綱歷血  
青蒲間耿耿日月光以斯垂世範壺德乃告臧戢我三  
春恣奉身荷嚴霜申旦念所思履棘如康莊前行旣端  
軌後躅慄自匡並峙金閨中終始互相望列聖所涵濡  
廟宇達帷房我欲告惇史登載慎勿忘

卓崙宏略諸子貽讎集詩追和一章

偏阪隘良覲拊運惕凝沍我無千鈞弓躑躅閱遲暮高  
陵漸相傾洪流日奔赴樹節賴時賢歛臆就貞素側聞  
肅樽擣卉木秀庭昨輕裾漾回風少長奕倫序流觀天  
宇間環轉各有故否泰無恒端居者適未寤甘醴發和  
顏濡藻俟芳露讌好豈足溺感物多所助古義必堅貞  
甌勉慎中路

題洪谷一所藏畫冊

谷一方  
宣泰歸

雲海盪我臆云是洪中居宛宛同心人千里生座隅經  
久不合并無乃干戈壅間關歷隴右嚴冰裂衣裾榮身  
在節槩竹帛徒區區自古一丘壑遠道終難渝羣林劈  
江氣沙嶼爭來趨春物麗空表丹翠潛相噓誰能徹頑  
懦含意爲此圖予亦謝車馬長嘯還舊廬

靜惕堂詩集卷第九

二

送汪扶晨程山尊還新安二首

是日同會  
者四十人

吉日張高筵列館生馨香徒旅合吳楚聯袂皆俊良鶴  
蓋以雲集長劍聚成行三爵不虛陳我友告遠裝明燭  
照寸心酬獻各盡觴綢繆達夜半星漢揚瑤光哲士美  
文采熾婉于四方迨其蹈高節終乃歸故鄉喬松蔽黃  
岳鳳羽雙翔翔膠漆苟無尤分手奚足傷

列夫雖慨忼申好惟將離朝市豈足慕山澤多佳期不  
恥美璞韞乃患無良時榮隨草木化靜者知其微朔風  
鳴大河日夕輕舟馳嘉儔自茲去鐘呂遂以稀會遇洵  
難常如彼陽鴈飛矯矯高雲中舉弋安得希澄清邈千

載求志爲階梯斯義昔所珍還章冀相規

游吼山

鼓柁窮東津詰曲睇交織波面吐靈峰陰虹更相逼啓  
竇初拒人作勢轉湫灰一往信崢泓停午半曛黑猝邁  
天地開削出太古色離立方嵌空斜覆或四塞噴瀑闕  
無源篙師老猶惑鼠噬霜藤根挂壁翠可拭采秀歷千  
祀坎坎聲不息斧鋸爾何心殞此根蒂實危處裂蒼雲  
顧望艱羽翼俄躍重泉深翻動蛟蜃國茗茗環百折均  
擬資釣弋嘗聞吳越間物理借雕刻造化倘自私工匠  
豈能得末俗生變繁山谷鮮定式層巔遠行舟平陸未  
終極游者迭相語佳境難再匿省質強名言叫囂乖靜

靜陽堂詩集卷第九

三

德尺寸售黃金樓觀躡其側領略有自然奚取丹艘飾  
記述代圖寫我黨信專職褰裳策駕馬恒岱各登陟窪  
隆循準繩入覽非怪特鑿石通肺肝善幻自今識

贈蘭溪逸士祝子堅

丹轂無上才畜德乃林莽端居閱成敗如鼎肖罔兩堂  
堂郊廟略探討畫指掌義駕緩奔輪迥然白雲養何時  
置網設纁帛視取享我老逾周甲雜珮困遐想掃室待  
嘉緣果得遂欣賞停策枉幽谷綺日轉書幌眇說浩無  
津終焉覺疎朗撮要在醫國良藥驗今曩必祛狐兔羣  
瞬息罷兵攘出其餘剩智足以福州黨文家多狷始毫  
素斥規倣寫心盈百幅伐鼓震宏響旁及象鞮賓格物

務開廣鼓鞞致零露穴土獻潛鎚削迹惟願深與俗判  
霄壤泐忍不可爲遑復諱強黃塵塞四隅年壽日以  
長離合本常期激水健春樂

題顏修來畫像

森森復聖枝邁迹視所紹瓢飲六藝津義域信孤蹈澄  
觀皇宇靖含藻實先覺奮羽入天閭品類仰潛導當其  
搢笏還弘襟遠華要觸手作球琳淵然栖衆妙乃知金  
鑑客興寄本林嶠百家爲藪澤早畢古莫到俄承英壯  
年遂策追風驃乘閒無廢晷把卷縱幽眺短亭生靜嵐  
疎花狎清沼長嘯彭佺儔頗亦耽窈窕默契兩忘言逢  
春獻微笑君懷寧在茲測者徒以貌時無顧虎頭工拙  
致互誚善手出吳興放筆取神肖裝潢成鉅軸法錦疊  
相耀押縫皆有倫紫鳳不顛倒索我稂莠詞將無許同  
調仰思兵蔓秋奕局幻難料考績署催科曾不寬早滂  
補救失前籌雲擾或云兆自我覲仙姿下士祇堪溺

蘭亭之遊阻雨而作

曰余本愚惰委跡在郊園索居謝羣彥抗手思前賢遺  
軌近若接靈區眇繁綠松舟盪幽默俯仰齊取懽左顧  
落飛鳥攬袂垂長竿嘉醴良未遐素琴將再彈有生恒  
足暮物我同一源迹外表餘適神解誰能宣時雨湮大  
澤積雪猶被山榮賞旣以徂拊遇摠蘭言佇懷修禊厄  
契好繇此敦薄暮戒遄歸悠然亦忘歎

李素園宅中飲酒同杜于皇孫豹人限韻

首序翕清景。故侶戀崇館。薄力謝安輿。銳往戒晨盥。適  
生洵多術。義馭庶以緩。投契理難昧。撫化物堪纂。綠淑  
渙堅冰。丹芑圻潛坂。愚本忘勢人。卽事復奚憚。欣端  
有藉。勉勉在所罕。將振屈子衣。詎白阮生眼。玉爵盪微  
旨。羶服厭餘暖。六博寓佳兵。孤嘯叶衰管。介壽趨互勸。  
佐史禮亦簡。絕迹嗣莊游。愛道發孔堯。賞闌迴百慮。諷  
古慎方瘡。

贈孫凱之

驅車居江汭。戾止當季冬。梵室淹薄裝。昕夕聞鼓鐘。儒  
流頗凋喪。外教或可宗。忽遭羣輩集。浮聲徒激播。遂肯

割所愛。酒炙羅朝饗。我豈樂高蹇。酬對亦致恭。龍泉臥  
深匣。憤憤銷英鋒。何意如砥途。一躡貞士蹤。微雲起尺  
木。妙得心所從。至言喻幽泉。恥作甘醴濃。陳篋饒異籍。  
討論尤雍容。每許借歸讀。不以博自封。我轍遍天下。此  
事不易逢。虞山有先民。川岳氣所鐘。考古富圖籙。居  
巍百重其。志好秘錮祝。融俄告凶炯。戒用茲始抄。寫力  
自供與君萬。世交誓老三。吳農輟鋤便。據案并日相。彌  
縫旅席數。垂顧冒雪穿。列壙來叩僧。雞門耀以青。芙蓉  
劇談不可了。返景迴高春。清坐恒忍飢。間一炊寒菘。步  
出城東谿。極盼陵上峰。樵蘇雖布令。已失當時松。穉事  
幸小稔。南北均灌烽。天問杳誰答。易逝傷燭龍。我髮旣

種種服義焉能慵

答黃贊玉

烈風凋百卉獨處如虛舟賴值同方士息軌三山陬矯  
激排衆議勵志從我游被服等冰雪崎嶇升高丘凋文  
溢坐隅藜藿恒未謀世業本敦素故物翩然畱故物亦  
奚爲徒使見者愁倏忽時序遷燕雀爭啁啾出門逢姣  
人玉飾羅衣幬薄俗所傾慕馳驟不少休朝爲負販夫  
夕狎王與侯子欲顧之笑易盡良虵蟬保已成德基固  
窮超匹儔灼灼荆山璞不剖非我尤安能降千仞俯啄  
於道周鄙言多苦辛木桃敢輕投

題豹人溉堂詩集

靜陽堂詩集卷第九

六

杰士不野處京國同絳霄渥澤從中來章服羅英僚當  
塗易爲美脫管成瓊瑤日聞膺異數鼎鬯溢金貂奚然  
返鄉井疾駕求逍遙喻彼黃鵠翔罝網不得招聊思荆  
土行適邁戎事消江介擅美景萬岫環空寥囊彼千卷  
書真氣規虛囂發言必要眇考韻窮昏朝秦聲天下稀  
壯激揚其標舉俗好新製俯欲尊蘭若我奉古調歸羣  
曜趨斗杓

金陵燈市效顏延年體

天馭肅陽緯江暉抗金高宏觀茂京室祥靄隸元正綺  
肆旣沿襲莊馘互虛盈清塵汗長轂惠風影飛纓眩目  
驟駢合繁動交忿爭選辰肆籥舞舞應俗傾瓊珩錯彩竭

匠智鏤絲肖神營陸喧掩圓魄霄咫移奔星攢鼓爽槌  
節溢箭浮蓮莖逮下狗士女尚儉息杯錯萃渙繹細事  
盛替傷遺氓宵遊方出號陳謠凜司刑

同介茲崧南子白飲錫侯河房限遇字

大化本無心窮達順所賦夙謝朝市喧徐步展情慳膏  
兩昨夜來被褐失寒沍當軒送川流遙望深可渡岸柳  
動新萌漸欲戒農務卽此見推移誰能測其故薄醉娛  
我生微願亦易具浩浩塵途內樂與素交遇忘形析文  
史回盼日已暮壺觴雖有餘荷杖且歸去良乏弘濟才  
任拙彌自恕

孟東圃酌我籜巖年七十九矣精健特甚壽以詩

靜惕堂詩集卷九

七

我聞古天家老人星正明斯言良不忤執友多耆英今  
年恣游目牽舸來陪京儼值心所欽藹藹流德聲騶國  
邈華胄挺出爲邦楨解組篤純守與世無將迎千年烏  
兔塲窈窕通蓬瀛老宅鳳城均江海列兩楹宓妃授真  
訣噓吸雲漢精數畝藝桑竹青碧時自耕祇蕭事虛皇  
齋沐皆聖情俗儒泥形象乖合遞相爭曾聞妙蓮花空  
產簷下泓亦有瑞露濡光潔甘如飴內氣所薰陶外物  
以類呈中夜炯獨笑渾渾涵太嬰至質固無倪略用神  
火烹僮御或見之閭室嗷然驚何幸不我愚美日調春  
羹侍坐有道側樽讓實所輕異製羨餅餌飲若吸長鯨  
重關瞑色動狹巷喧鼓鉦欲起頻見畱愛客發中誠公

有無窮算寶籙登玉清餘福燕朋籍長得分班荆

于皇初明介茲過飲限雪字

曩從戰窟還于已負明哲近與佛同龕幽迴喻巖穴浮  
敢復萌逸魄若截鐵新友不速至故友彌縮結秦淮  
初濁詞源獨澄澈綺製協歌喉悵乏李家雪春事甫  
盈旬花柳漸成列極眺陟重嶽跣足亦可悅起視世上  
兒卑瑣實共輟解我囊中裝市酤付一啜長爲今日娛  
天地勿淒冽

雜詩二首

二儀鼓陽籥馥郁當良時惠風入堦闥發我白玉枝上  
有比翼鳥栖息不暫離佳人秉禮教舉世皆所遺潔服  
被華顏却扇多光儀流輝特相顧情感心自知願得和  
氏璧庶以結前期

靜惕堂詩集卷第九

八

明月有時出佇望青雲端天路眇難接遠客愁夜寒嚴  
霜下長坂肅肅孤鴈翰獨宿空牀上展轉不得安蘭缸  
燦東壁所思浩漫漫累夕夢見之輟贈皆琅玕盛德寓  
微詞素琴爲我彈知音良不易寂寞傷肺肝

初明與闇公孟新諸子倡和成集于皇題其端得  
友之樂如此萬事舉不足道也爲作二章

南國久搖落長風吹不榮野叟膽汁枯閱世多屏營貴  
賤一錐刀何以適我情挂席瞰大江竒懷激琮琤果逢  
孤鳳皇昧旦飡芝英抗手揖仙伯構宇臨東瀛飛軫屆

天衢藝圃揚高旌雖有萬仞期不如事歸程華言充四  
座迭奏清宿醒聽者解煩鬱塵慮莫不輕

杜陵有奇癖晚出思芳時子子不遑寧抱壁將贈誰河  
漢亘天末嘉合無前期寶璐爲佩飾雲錦羅絡之寫心  
非異物旨酒盈素卮賓客乃大集雜選鳴清絲衆籟成  
一音浮俗安能知菡萏不虛吐明月生庭墀勿謂偶然  
事千秋良在茲

答沈方艸

與君初納交曰在吳山陽是時天宇嚴水鳥號空塘急  
霰蔽城闕白堤無垂楊戍兵稍休息英哲來四方汎漚  
不我棄夜筵羅甘漿豁然寫情素罰爵亂無章川陸邈

迢漣嘉遇不可常轉瞬踰一紀曠若參與商何期雲漢  
殊復作比翼翔侵曉聞扣門挽臂貽珪璋歷叙所懷思  
自越屆閩疆感君相慰藉迴念揚中腸荷父預軍事握  
算稽餼糧頭垢不暇櫛午夜恒執韉疲頓三四年始得  
還故鄉以茲樂窮困背郭營草堂聚書一萬卷喻彼燈  
燭光塵土甫澌潔忽召司丹黃羣才咸躍冶日見干旌  
忙俯惜牙齒落記誦半遺忘况值瓶罍恥珠桂安可當  
願與隱君子在野生光芒春船沂江汜漂寓亦自傷爛  
兩忍六旬二麥驚深創高丘成下澤天道浩茫茫蒸民  
力未蘇預恐罹歲荒我徒但文墨飢溺尤相妨祝君早  
自竭上書閭闔旁仰紹堂構美奕世多焜煌勿効愚所

爲晞髮臨崇岡斯言出苦衷非僅酬芬芳清聽倘下垂  
古義昭笙簧

望水西寺

尋烟出西闈崩沙但交織溪光悅遊子欲往生六翼野  
渡晚無人林鳥聲漸默隱見萬木濃塔與青翠塞因思  
廢蹟存必藉佛老力不然隨榛莽蛇虎方僭逼我衰遺  
百務搜討固其職徐當理殘樽獨往酌幽仄躊躇指前  
期彌月緩歸賦空秀莫可窮羨久轉成惑

茶信今年甚晚紀異

山縣苦多雨沮洳積相因曦陽未司職鬱鬱遮蒼旻昨  
從東方來解輓烏溪濱茶田滿高脊藝植無惰民新萌  
久蹠曲凍梗徐屈伸翠質闕甘液如龍蟄修鱗草木改  
恒度造化乖垂仁使我石鼎怨肝脾涸生塵夙聞宣城  
郡綠雪驕深春泛購豈能得論估當金銀饋遺走京輦  
物以名見珍歎息來何遲入夏猶逡巡乃知良遇艱贈

蹙傷旅人

答語公四首

儒術本持危近乃病飢渴當尋避俗人匡坐究始末環  
瞻後來彥膏火難自拔對之徒隕涕愛痼豈能割雅好  
在枯禪異陌亦共闔息襟琉璃幢珠露下纖葛鈎簾禽  
語碎炙茗竹火活神用良可喻安獨事嘔喝矧屬出王  
謝韞玉被以褐從茲互高騫天地轉寥闊

輕帆適江風衆勝趣方領任運物不迷覺絕闕氛影懷  
愜等臥壑中腴外無穎履遁歲幽屏僞日罔罔烈曦  
近逶巡橫空盪金餅披顏展素約甘乳汲水井得值餐  
霞人妙契在俄頃警策安用繫保晚礪深省瓢飲三十  
載於世祇萍梗

外境如逝川一往不可論愚夫耽目睫轉益造枝蔓所  
貴慎操術適我豈在遠野處聊禦器季夏火猶膺每傷  
皮骨瘦易爲時節困巾氎午見過布席諧所願白雲忽  
親人聚族起膚寸空堂類巒游衍有餘健結侶表成  
言靡使援鶴怨

我衰拒多患塵役不復取浩浩一虛中淨業快所親合  
散雲無心繾綣月漸吐振衣貞松端微論隋疎雨白拂  
晝已挂清鐘夜如縷達者情轉稠剖義荷相煦側聞所  
居室金瀨出終古崖蒸神故幽羣動悉可拊蒼柯發虛  
籟綠雪覆潛羽欲往塗輟艱卽此倬頑魯

答戴無忝

壯齒別京塵每出畏丹軫殷憂塞中腸歲月亦易盡迴  
慟潢池熾下土化戈楯神靈旣飲泣維繫大艱窘擬竭  
精衛心罔顧鄙夫哂還我沮洳居海樹對淒緊農服十  
年強筆塚徒蠹蠹土竈數無烟垂髮已變鬢里巷絕嚴  
賓望古獲繩繩準輟食繼焚膏追琢遜工敏履武正迷途  
乃荷燭龍引來自梁山陽奔江急虛牝戕然千尺餘失

笑俯朝菌安藉石有怒赤手弄蛟蜃喻彼鼎食列飢渴  
孰能忍敬篋誦新裁橫空逝雕隼磊砢氣未除刻畫迹  
方泯墨圃一鋤荒生計富蔬筍我人雖自屏造物或深  
憫歷歷指先型予奪見微朕  
鮮成績  
遍卿尹  
此理莫可究日星告消殞用佐歲史窮暉勉鏤心腎盧  
扁立我前舉體脫潛疾相逢多苦辛與世異封畛

和項東井瓶山詩

我禾枕川藪有地稱瓶山體非石所作抔土居市闐牂  
羊牧其上童稚爭牽攀旣失雲雨潤枯榛穴中間小物  
冒嘉謚久假而未還喻彼斗筭質誇大潛相姦遙探漢  
武紀整師驅百蠻酒算此由立征利輕痼瘵苟可浚民

脂歷代孰肯刪綿延南渡初境蹙勢乃孱禾城克右輔  
扼要如當關人戶頗殷庶貢稅馴不頑設官營權務良  
貴出納慳儀狄爲我師美醞職所爛安知杯勺微堪敵  
九府圍歲長堆斷缶冗雜生鬱環其高二三仞虫噬苔  
花斑聊供憑弔資登眺則已艱治王御廣宇軍旅成就  
班方斥管商術力馭黃虞還枝署豈復贅陳蹟徒荒閒  
永爲名士宅締造需百錢魏塘謹闌入列卉垂煙鬢青  
泥煩掃除朱楯增漏爛嵇阮雖可追沈酒摧壯顏動發  
千載愁涕下同潏潏

飯紺公桐軒次杜工部贊公房韻四首

野處不違性千載同一時雲泉展游目歡聚非有期入

戶釋衣幘真想良在茲緩中蠲夙忿密省迴今衰相接  
契深素亦不廢言辭延清徹重愧隔塵張復思簷際竹  
陰長茗罷蟲吟遲於樂雖未盈已足昌我詩

芳泉瀉石鼎甘瓜翼絺巾徐悟飲啜間萬物皆娛身失  
笑送旅翁飫此禪味新出門相顧望浮俗徒損人願采  
巖下薪更煮盤中芹秋炎方蘊隆披雲見潛鱗

鑿沼不在廣妙意蓮華香微颺發鈴鐸晝靜聲鏘鏘屏  
事驗交影排節生羣芳鳳輝啣自眩欲舉仍迴翔偃息  
許經旬跛脚登匡牀百慮剪除盡餘習惟丹黃

濁識苦飛颺絲錠必在手常思出意表猝值掃愁帚與  
公勤把袂豁達類窗牖淥水進輕帆時雨灑高柳微躬  
解帶中短韻加餐後仰瞻天地闊吳城扼江口綺席頻  
見攜拂袖動搖首滅跡効歸鴻策勳賤功狗紅塵浩茫  
芒力者負而走猶餘川嶽閱長篇逸人有

靜惕堂詩集卷第九

